

## CARTA YE<sup>n</sup>E 'II<sup>n</sup>'YĀ<sup>n</sup> HEBREOS

**Ndyuūs dichó'o yā daiyá yā chi  
caa<sup>n</sup> má<sup>n</sup> yā lado ye<sup>n</sup>é yā**

**1** Tiempo chi 'āā chó'ōo, Ndyuūs ca<sup>n</sup>a yā n'deeē cūūví tiempo ndúúcu neenē n'deeē náá<sup>n</sup> taachi profetas chi candéē yā nduudu ye<sup>n</sup>e Ndyuūs nga<sup>n</sup>á yā lado ye<sup>n</sup>é yā. **2** Ní maa<sup>n</sup> ní tiempo 'cūū Ndyuūs dichó'o yā daiyá yā Jesucristo chi nga<sup>n</sup>á yā ndúúcu s'uuú<sup>n</sup>. Ní Ndyuūs ndúúcu daiyá yā din'dái yā tanducué<sup>n</sup>ē chi véé ní Ndyuūs ca'á yā tanducué<sup>n</sup>ē chi ye<sup>n</sup>ē daiyá yā. **3** Ní daiyá Dendyuūs mii<sup>n</sup> ní ngíí n'gai yā ye<sup>n</sup>ē chidēēvé n'dai ye<sup>n</sup>é Ndyuūs. Ní tan'dúúca Ndyuūs mii<sup>n</sup> 'āā 'tiicá nūu<sup>n</sup> daiyá yā. Daiyá yā ní ndúúcu nduudu chi nga<sup>n</sup>a yā, díí<sup>n</sup> yā chi tanducué<sup>n</sup>ē dendu'ū snéé na lugar ye<sup>n</sup>ē. Ní cuayiivi chi daiyá yā díí<sup>n</sup> yā chi nadach'ēcú yā ye<sup>n</sup>e 'ii<sup>n</sup>'yā<sup>n</sup> ye<sup>n</sup>e nuu<sup>n</sup>ndi ye<sup>n</sup>é yā tuu'mi ní ch'iindí yā ná va'ai ch'ēeti nguuvi na lado tá cuaacú chiidá yā chi lado ye<sup>n</sup>e honor. Ndyuūs mii<sup>n</sup> ní poder chi ch'ēete ca ye<sup>n</sup>ē tanducué<sup>n</sup>ē poder.

**Daiya Ndyuūs ní ch'ēete  
ca nguéé ti ángeles**

**4** Ní daiya Dendyuūs ní neenē ch'ēete ca nguéé ti ángeles. Ní chi

duuchí yā ndúúcu chi véé ye<sup>n</sup>é yā ní neenē ch'ēete ca nguéé ti ángeles. **5** Caati mar 'áámá vmné<sup>n</sup>ēē nguéé ca<sup>n</sup>a Ndyuūs ndúúcu mar 'áámá ángel tan'dúúca chi nga<sup>n</sup>a yā ndúúcu daiyá yā Jesucristo:

Díí ní daiyá; maa<sup>n</sup> ca'á vida ye<sup>n</sup>é nī.

Ní nguéé ca<sup>n</sup>a yā ndúúcu mar 'áámá ángel 'tíicā:

'Úú ní chiida di 'úú; niicu díí ní daiyá dii. **6** Ní taachi Ndyuūs dichó'o yā 'áámá n'dya<sup>n</sup>ā daiyá yā i<sup>n</sup>'yee<sup>n</sup>dí 'cūū nga<sup>n</sup>a yā 'tíicā:

Nducyaaca ángeles ye<sup>n</sup>é Ndyuūs canéé chi dich'ēetē yā daiya Ndyuūs. **7** Ní Ndyuūs nga<sup>n</sup>a yā ye<sup>n</sup>e ángeles ye<sup>n</sup>e yā 'tíicā:

'Úú díí<sup>n</sup> chi ángeles ye<sup>n</sup>é ní tan'dúúca espíritu s'ee<sup>n</sup>, 'tiicá yā. Ní díí<sup>n</sup> chi ángeles dichíí'v yā 'úú. Ní tan'dúúca 'áámá nguuchi ya<sup>n</sup>ā 'tíicā ángeles ye<sup>n</sup>é. **8** Naati Ndyuūs nga<sup>n</sup>á yā ye<sup>n</sup>e daiya yā Jesucristo 'tíicā:

Dii Ndyuūs, trono ye<sup>n</sup>e di ní 'áámá cūnee. Ní nga<sup>n</sup>a nti<sup>n</sup>'nyu<sup>n</sup> di ye<sup>n</sup>ē tanducué<sup>n</sup>ē ndúúcu vaadi cuaacu.

**9** Dii ní ne<sup>n</sup>e di cosas chi cuaacu, ní nguéé ne<sup>n</sup>e di ch'ēe chi nguéé

cuaacu. Cucáávā chuū Ndyuūs ye<sup>n</sup>e di chí chiida di ní tee yā dii vaadi yeenu taavi nguéé ti ca'a yā 'i<sup>n</sup>yā<sup>n</sup> chí ye<sup>n</sup>é nī. <sup>10</sup>Tiicá ntúū<sup>n</sup> Ndyuūs nga<sup>n</sup>a yā ye<sup>n</sup>e daiyá yā Jesucristo:

Díí, Señor, ndii cuáá<sup>n</sup> vmnaa<sup>n</sup> s'núu<sup>n</sup> di cimientu ye<sup>n</sup>e i<sup>n</sup>'yee<sup>n</sup>dí 'cūū, ní din'dái di nanguuvi ndúúcū ta'a di.

<sup>11</sup>I<sup>n</sup>'yee<sup>n</sup>di ndúúcū nánguuví ní dí'cuiinu naati díí 'áámá cūnee di. Ní tanducué<sup>n</sup>e chuū cuuvi ndiicūū tan'dúúcā catecaí yú, 'tíicā ndiicūū.

<sup>12</sup>Ní díí<sup>n</sup> nī n'cánnduu nī nducué<sup>n</sup>e tan'dúúcā 'i<sup>n</sup>yā<sup>n</sup> díí<sup>n</sup> yā chí n'cánnduu yā catecaí yā. Ní n'ídaa<sup>n</sup> di nducué<sup>n</sup>e tan'dúúcā 'i<sup>n</sup>yā<sup>n</sup> n'ídaa<sup>n</sup> yā catecaí yā. Naati dii Jesucristo daiyá Ndyuūs 'āā daamá nūu<sup>n</sup> canee di nduuyu nduuyu. Ní 'áámá cūnee di cue<sup>n</sup>e daā<sup>n</sup>ma<sup>n</sup>. <sup>13</sup>Ndyuūs nguéé ca<sup>n</sup>'á yā mar 'áámá ángel mar 'áámá vmné<sup>n</sup>e tan'd'úúcā chí ngii yā daiyá yā Jesucristo 'tíicā:

'Cuūndi di lado ta cuaācū ndíí 'úú díí<sup>n</sup> chí nducyaacá yā chí taá<sup>n</sup> yā ye<sup>n</sup>e di canee yā maa<sup>n</sup> ca'a di tan'dúúcā 'áámá banco 'líf 'tíica yā chí cheé dí ye<sup>n</sup>é yā.

<sup>14</sup>Nducyaacá ángeles ní espíritu s'ee<sup>n</sup> chí díí<sup>n</sup> yā ntií<sup>n</sup>nyu<sup>n</sup> ye<sup>n</sup>é Ndyuūs. Ní Ndyuūs dich'óo yā ángeles chí innee yā 'i<sup>n</sup>yā<sup>n</sup> na i<sup>n</sup>'yee<sup>n</sup>dí 'cūū chí Ndyuūs nadinguá<sup>n</sup>ai yā.

**Canéé chí díí<sup>n</sup> yú cuidado ye<sup>n</sup>e chí Ndyuūs nadanguá<sup>n</sup>ai yā s'uuú<sup>n</sup>**

**2** Ní cucáávā chí Cristo nadanguá<sup>n</sup>ai yā s'uuú<sup>n</sup> canéé

chí candee yú cuidado ye<sup>n</sup>é nduudu cuaacu chí n'giindivee<sup>n</sup> yú ti nguéé i'nee<sup>n</sup> yú cucáávā nduudu chí n'ídaa<sup>n</sup> ní maa<sup>n</sup> ní nguéé ca<sup>n</sup>'a yú táámá yúúní. <sup>2</sup>Nduudu cuaacu chí 'āā nga<sup>n</sup>'a ángeles ní nduudu chí ch'i<sup>n</sup>i nanáá<sup>n</sup> 'i<sup>n</sup>yā<sup>n</sup> chí cuaacu ní'nyú<sup>n</sup> chí nduudu cuaacu. Ní 'i<sup>n</sup>yā<sup>n</sup> chí nguéé n'giindivee<sup>n</sup> yā nduudu cuaacu mii<sup>n</sup> ní véé nuu<sup>n</sup>ndi ye<sup>n</sup>é yā 'āā cūnee yā na castigo caati 'tíicā cuuvi. <sup>3</sup>Ní maa<sup>n</sup> ní 'táácā cuuví nangua<sup>n</sup>'āi s'uuú<sup>n</sup> ye<sup>n</sup>e castigo nduuti chí nguéé díí<sup>n</sup> yú cuidado ye<sup>n</sup>e chí nadanguá<sup>n</sup>ai yā s'uuú<sup>n</sup>? Vmnáá<sup>n</sup> vmnaa<sup>n</sup> Señor Jesucristo nga<sup>n</sup>'á yā chí nadanguá<sup>n</sup>ai yā 'i<sup>n</sup>yā<sup>n</sup>. Cuayiivi mii<sup>n</sup> ní 'i<sup>n</sup>yā<sup>n</sup> chí ch'iindivee<sup>n</sup> yā nduudu mii<sup>n</sup> díí<sup>n</sup> yā chí'í yā s'uuú<sup>n</sup> ndúúcū pruebas chí nduudu mii<sup>n</sup> ní nduudu cuaacu. <sup>4</sup>'Tiicá ntúū<sup>n</sup> tiempo maa<sup>n</sup> Ndyuūs chí'í yā s'uuú<sup>n</sup> chí cuaacu chí nduudu mii<sup>n</sup> ní cuaacu caati díí<sup>n</sup> yā señas ndúúcū vaadi n'giinu chí ch'εεε. Ní chí'í yā poder ye<sup>n</sup>é yā ní díí<sup>n</sup> yā milagros. Ní ca'a yā n'dee n'dái ntií<sup>n</sup>nyu<sup>n</sup> ye<sup>n</sup>é Espiritu N'dai ye<sup>n</sup>é yā 'i<sup>n</sup>yā<sup>n</sup> chí ye<sup>n</sup>e yā caati 'tíicā ne<sup>n</sup>é yā díí<sup>n</sup> yā.

**Jesucristo chí'indiyáa<sup>n</sup> yā tan'dúúcā 'áámá sa<sup>n</sup>'ā ye<sup>n</sup>e i<sup>n</sup>'yee<sup>n</sup>dí**

<sup>5</sup>Ndyuūs nguéé cuuvi s'neé<sup>n</sup> yā chí ángeles mii<sup>n</sup> nga<sup>n</sup>'á yā ntií<sup>n</sup>nyu<sup>n</sup> ye<sup>n</sup>e i<sup>n</sup>'yee<sup>n</sup>dí chí cuayiivi ca<sup>n</sup>'á yā din'dái yā. Ní ye<sup>n</sup>e i<sup>n</sup>'yee<sup>n</sup>di mii<sup>n</sup> chí'í chí nga<sup>n</sup>'a yú. <sup>6</sup>Nguéé díí<sup>n</sup> yā 'tíicā. Ná libro ye<sup>n</sup>e Ndyuūs chí canéé nguū<sup>n</sup> ní 'áámá yā nga<sup>n</sup>'a yā 'tíicā:

N'dii, Ndyuūs, 'dédé chí sa<sup>n</sup>'ā s'ee<sup>n</sup> chí snéé na i<sup>n</sup>'yee<sup>n</sup>dí 'cūū

chi nan'gaacu nī ye<sup>n</sup>ē sa?  
 ¿Déē chi sa<sup>n</sup>ā s'ee<sup>n</sup> chi snēē  
 na i<sup>n</sup>yee<sup>n</sup>dí cūū chi dí<sup>n</sup> nī  
 cuidado ye<sup>n</sup>e sa<sup>n</sup>ā s'ee<sup>n</sup>?

<sup>7</sup> Ta 'lí<sup>n</sup> tiempo nū<sup>n</sup> n'dii,  
 Ndyuūs, s'née<sup>n</sup> nī sa<sup>n</sup>ā Daiyá  
 nī chi nguée<sup>n</sup> ch'ēete cá yā  
 tan'dúuca ángeles. Ní teé  
 nī sa<sup>n</sup>ā daiyá nī chi ch'ēeté  
 yā ndúucū honra ye<sup>n</sup>é yā  
 tan'dúucā chi sa<sup>n</sup>ā rey 'tíica  
 yā. Ní ch'i<sup>n</sup>ée<sup>n</sup> nī sa<sup>n</sup>a mii<sup>n</sup>  
 chi caa<sup>n</sup>ma<sup>n</sup> ntii<sup>n</sup>nyu<sup>n</sup> yā ye<sup>n</sup>e  
 tanducué<sup>n</sup>ē chi nadin'dái nī.

<sup>8</sup> Ní s'née<sup>n</sup> nī tanducué<sup>n</sup>ē dendu'ū  
 maa<sup>n</sup> ta'á yā.

Ní 'tíica rā va ti Ndyuūs s'née<sup>n</sup> yā  
 tanducué<sup>n</sup>ē dendu'ū chi sa<sup>n</sup>ā mii<sup>n</sup>  
 caa<sup>n</sup>má<sup>n</sup> yā ntii<sup>n</sup>nyu<sup>n</sup> ye<sup>n</sup>ē. Maa<sup>n</sup> nī  
 nguée<sup>n</sup> inaa<sup>n</sup> yú chi sa<sup>n</sup>ā mii<sup>n</sup> nga<sup>n</sup>a  
 ntii<sup>n</sup>nyú<sup>n</sup> yā ye<sup>n</sup>e tanducué<sup>n</sup>ē.

<sup>9</sup> Naati maa<sup>n</sup> ní snaa<sup>n</sup> yú chi Ndyuūs  
 dí<sup>n</sup> yā chi Jesucristo nguée<sup>n</sup> ch'ēete  
 yā tan'dúucā ángeles dúú'ví tiempo  
 nū<sup>n</sup>. Ní Ndyuūs neene ya'ai 'iinú yā  
 'ii<sup>n</sup>yā<sup>n</sup> ye<sup>n</sup>e i<sup>n</sup>yee<sup>n</sup>dí cūū chi ne<sup>n</sup>é  
 yā chi Jesucristo ch'ii yā lugar ye<sup>n</sup>e  
 nducyaaca yú. Maa<sup>n</sup> ní véé dēevé  
 ye<sup>n</sup>e Jesucristo ní véé honra ye<sup>n</sup>é  
 yā cucáávā chí ch'ii yā na cruz.

<sup>10</sup> Ní Ndyuūs din'dái yā  
 tanducué<sup>n</sup>ē dendu'ū ní dí<sup>n</sup> yā  
 cuidado ye<sup>n</sup>ē. Ní n'daacā dii<sup>n</sup>  
 Ndyuūs taachi dii<sup>n</sup> chi Jesucristo  
 mii<sup>n</sup> ní sa<sup>n</sup>ā perfecto yā chí chichéé  
 yā ye<sup>n</sup>e nducué<sup>n</sup>ē chi n'geenu yā  
 ngii. Ní Ndyuūs n'diichí yā chí  
 n'daacā idí<sup>n</sup> yā. 'Tíicā dii<sup>n</sup> Ndyuūs  
 caati cuuvi ye<sup>n</sup>é yā n'dee n'dái  
 daiyá yā. Ní cuuvi ca'a yā 'ii<sup>n</sup>yā<sup>n</sup>  
 s'ee<sup>n</sup> parte chi cuuvi ye<sup>n</sup>é yā  
 ndúucū vaadi dēeve n'dai ye<sup>n</sup>é yā.  
 Jesucristo ní sa<sup>n</sup>ā chi nadanguá<sup>n</sup>ai

yā 'ii<sup>n</sup>yā<sup>n</sup> ye<sup>n</sup>e i<sup>n</sup>yee<sup>n</sup>dí cūū. <sup>11</sup> Ní  
 Jesucristo ní didēevé yā 'ii<sup>n</sup>yā<sup>n</sup>  
 ye<sup>n</sup>e nuu<sup>n</sup>ndi ye<sup>n</sup>é yā ní 'ii<sup>n</sup>yā<sup>n</sup>  
 chí ndúúví dēevé yā ní tan'dúucā  
 Jesucristo mii<sup>n</sup>. Véé 'áámá nū<sup>n</sup>  
 chiida nducyaaca 'ii<sup>n</sup>yā. Cáávā chuū  
 Jesucristo nguée<sup>n</sup> 'cuinaá<sup>n</sup> yā chí  
 caa<sup>n</sup>má<sup>n</sup> yā chí 'ii<sup>n</sup>yā<sup>n</sup> s'ee<sup>n</sup> ní v'í  
 yā. <sup>12</sup> Ní 'tíicā Jesucristo nga<sup>n</sup>á yā  
 ngii yā 'ii<sup>n</sup>yā<sup>n</sup> s'ee<sup>n</sup> ní canéé nguū<sup>n</sup>:

N'dii Ndyuūs, 'úú caa<sup>n</sup>má<sup>n</sup> ye<sup>n</sup>é  
 n'dii nanáá<sup>n</sup> hermanos ye<sup>n</sup>é  
 ní caátá himnos chí cantos  
 chí nga<sup>n</sup>á chí ch'ēeté nī  
 nanáá<sup>n</sup> 'ii<sup>n</sup>yā<sup>n</sup> ye<sup>n</sup>é nī taachi  
 nduvidaamā yā. <sup>13</sup> Taama  
 vmné<sup>n</sup>ēe Jesucristo ca<sup>n</sup>a yā  
 'tiicā:

'Úú ní canéé confianza ye<sup>n</sup>é  
 ndúucū Ndyuūs.

Ní táámá ca<sup>n</sup>a yā:

'Muu<sup>n</sup> canéé ndúucū daiyá chí  
 Ndyuūs tee yā 'úú.

<sup>14</sup> 'Tíicā, 'ii<sup>n</sup>yā<sup>n</sup> ye<sup>n</sup>e 'áámá  
 familia ní 'áámá yuūtē ye<sup>n</sup>é yā  
 ní 'áámá yuū<sup>n</sup> ntúū<sup>n</sup> va. Ní 'tiicā  
 ntúū<sup>n</sup> Jesucristo mii<sup>n</sup> ch'iindiyáa<sup>n</sup>  
 yā ndúucū cuerpo ndúucū yuū<sup>n</sup>  
 tan'dúucā s'uúú<sup>n</sup>. Ní 'tiicā ntúū<sup>n</sup>  
 Jesucristo ch'ii yā caati cuuvi  
 di'cuuinú yā yáá<sup>n</sup>nguiniū<sup>n</sup> caavā  
 chí dii<sup>n</sup> sa chí nducyaaca yú ní n'gii  
 yú. <sup>15</sup> 'Tiicā ntúū<sup>n</sup> Jesucristo dí<sup>n</sup> yā  
 chí nguée<sup>n</sup> 'va'a yú ye<sup>n</sup>e tiempo chí  
 'cuuvi yú. <sup>16</sup> Cuaacu chí Jesucristo  
 nguée<sup>n</sup> ndaá yā nanáá<sup>n</sup> ángeles chí  
 chinnee yā ángeles naati nanáá<sup>n</sup>  
 'ii<sup>n</sup>yā<sup>n</sup> ye<sup>n</sup>e ndaata ye<sup>n</sup>e Abraham  
 cáávā chí nadanguá<sup>n</sup>ai yā 'ii<sup>n</sup>yā<sup>n</sup>.  
<sup>17</sup> Cáávā chuū Jesucristo canéé chí  
 ch'iindiyáa<sup>n</sup> yā tan'dúucā nducyaaca  
 hermanos ye<sup>n</sup>é yā ní 'íicú maá<sup>n</sup> yā  
 cuuvi cūnéé yā chiidúú ch'ēete ca

chi 'áámá cānee ye<sup>n</sup>e nti<sup>n</sup>nyu<sup>n</sup> ye<sup>n</sup>e Ndyuūs. Ní ya'ai 'iinú yā 'ii<sup>n</sup>yā<sup>n</sup>. Ní 'ífcú cuuvi nadach'ēécú yā nuu<sup>n</sup>ndi ye<sup>n</sup>e 'ii<sup>n</sup>yā<sup>n</sup> ti nadí'v'e yā nducué<sup>n</sup>ē nuu<sup>n</sup>ndi ye<sup>n</sup>e 'ii<sup>n</sup>yā<sup>n</sup>. <sup>18</sup>Ní Jesucristo maá<sup>n</sup> yā ch'eenú yā chií ní chichēe yā taachi ndaá yáá<sup>n</sup>'nguiinū<sup>n</sup> chí n'diichinee<sup>n</sup> sa 'yā. Ní cáávā chuū maa<sup>n</sup> ní Jesucristo cuuvi cūnnee yā 'ii<sup>n</sup>yā<sup>n</sup> s'ee<sup>n</sup> taachi n'geenú yā ngii ní nadanguá<sup>n</sup>'ai yā 'ii<sup>n</sup>yā<sup>n</sup> s'ee<sup>n</sup> ye<sup>n</sup>e yáá<sup>n</sup>'nguiinū<sup>n</sup> taachi ndaa sa n'diichinee<sup>n</sup> sa 'ii<sup>n</sup>yā<sup>n</sup> s'ee<sup>n</sup>.

**Jesucristo ní ch'ēete taavi  
cá yā nguéé ti Moisés**

**3** Ndís'tií, hermanos ye<sup>n</sup>e yú chi Cristo didēév'e yā ní ndís'tií ntúū<sup>n</sup> Ndyuūs yaa<sup>n</sup>'ví yā ndís'tií chi cuuvi ye<sup>n</sup>e yā. Maa<sup>n</sup> ní nadicádíínuu<sup>n</sup> n'dai nī ye<sup>n</sup>e Jesucristo chi apóstol chi dichó'o Ndyuūs ti Jesucristo mii<sup>n</sup> ní chiiduú ch'ēete cá ye<sup>n</sup>e 'ii<sup>n</sup>yā<sup>n</sup> chi i'téenu yā Jesucristo tan'dúucā s'uuú<sup>n</sup>. <sup>2</sup>Jesucristo mii<sup>n</sup> 'áámá caneé yā ndúucū Ndyuūs ní díí<sup>n</sup> yā tanducué<sup>n</sup>ē dendu'ū. Ní díí<sup>n</sup> yā tanducué<sup>n</sup>ē dendu'ū chi Ndyuūs dine<sup>n</sup>'é yā. Ní tan'dúucā Moisés din'daacá yā nti<sup>n</sup>nyu<sup>n</sup> chi Ndyuūs ca'a yā, 'tiicá ntúū<sup>n</sup> Jesucristo din'daacá yā tanducué<sup>n</sup>ē nti<sup>n</sup>nyu<sup>n</sup> ye<sup>n</sup>e va'ai ye<sup>n</sup>e Ndyuūs chi Ndyuūs ca'a yā. <sup>3</sup>Ní 'áámá 'ii<sup>n</sup>yā<sup>n</sup> chi din'dái yā 'aama va'āi ní ch'ēete cá yā nguéé ti va'āi mii<sup>n</sup>. 'Tíicā Jesucristo ní ch'ēete taavi cá yā nguéé ti Moisés. <sup>4</sup>Deenu yú chi véé 'ii<sup>n</sup>yā<sup>n</sup> chi din'dái yā ca'áámá cā'aama va'āi naati Ndyuūs din'dái yā nducué<sup>n</sup>ē dendu'ū chi véé. <sup>5</sup>Moisés mii<sup>n</sup> dichí'v'e yā Ndyuūs

ní n'dáaca taavi idii<sup>n</sup> sa nti<sup>n</sup>nyu<sup>n</sup> ye<sup>n</sup>e vaacu Ndyuūs. Ní Moisés díí<sup>n</sup> yā nti<sup>n</sup>nyu<sup>n</sup> chi nga<sup>n</sup>'a yā nduudu ye<sup>n</sup>e Ndyuūs chi Ndyuūs ca'a yā chi caa<sup>n</sup>'má<sup>n</sup> yā cuayiivi. <sup>6</sup>Naati Cristo chi daiyá Dendyuūs ní 'áámá díí<sup>n</sup> yā nti<sup>n</sup>nyu<sup>n</sup> ti 'ii<sup>n</sup>yā<sup>n</sup> ndii tíí<sup>n</sup> yā ye<sup>n</sup>e vaacu Dendyuūs. Ní s'uuú<sup>n</sup> tan'dúucā vaacu Ndyuūs 'tíicā s'uuú<sup>n</sup> nduuti chi canéé diitu yú ndúucū chi i'teenu yú. Ní yeenu yú ndúucū chi cuuvi ye<sup>n</sup>e yú ndíí tiempo chi 'cuūvi yú.

**Véé tiempo chi ntaavi'tuunū<sup>n</sup>  
'ii<sup>n</sup>yā<sup>n</sup> chi ye<sup>n</sup>e Ndyuūs**

<sup>7</sup>Ní chuū Espíritu N'dai ye<sup>n</sup>e Ndyuūs nga<sup>n</sup>'a yā 'túucā naachi canéé nguū<sup>n</sup> na libro ye<sup>n</sup>e Ndyuūs: Maa<sup>n</sup>'nguuvu mii<sup>n</sup> nduuti chi ndís'tií 'caandiveé<sup>n</sup> nī nduudu ye<sup>n</sup>e Ndyuūs: <sup>8</sup>Nguéé dichēechí nī staava ye<sup>n</sup>e nī chí ditaá<sup>n</sup> nī tan'dúucā chí díí<sup>n</sup> 'ii<sup>n</sup>yā<sup>n</sup> tiempo chí 'āā chó'oo taachi 'ii<sup>n</sup>yā<sup>n</sup> s'ee<sup>n</sup> díí<sup>n</sup> yā n'diichinee<sup>n</sup> yā Ndyuūs ndúucū nuu<sup>n</sup>ndi chí díí<sup>n</sup> yā na yá<sup>n</sup>'āa cuu<sup>n</sup>'má<sup>n</sup> naachi nguéé ch'ēetinéé 'ii<sup>n</sup>yā<sup>n</sup>. <sup>9</sup>Ní Ndyuūs nga<sup>n</sup>'á yā ngii yā 'ii<sup>n</sup>yā<sup>n</sup>: Tiempo chí chó'oo na yá<sup>n</sup>'āa cuu<sup>n</sup>'má<sup>n</sup> naachi nguéé ch'ēetinéé 'ii<sup>n</sup>yā<sup>n</sup>, 'ii<sup>n</sup>yā<sup>n</sup> s'ee<sup>n</sup> ye<sup>n</sup>e ndaata ye<sup>n</sup>e nī n'diichinéé<sup>n</sup> ntúu<sup>n</sup> yā 'úú 'áará chí n'diichí yā nducué<sup>n</sup>ē chí 'úú díí<sup>n</sup> ndúucu yā 'naa<sup>n</sup> chí 'uūvi ngēecu nduuyū. <sup>10</sup>Ní cáávā chuū 'úú, Ndyuūs, ditaá<sup>n</sup> ndúucū 'ii<sup>n</sup>yā<sup>n</sup> s'ee<sup>n</sup>. Ní 'túucā nga<sup>n</sup>'á ngii 'ii<sup>n</sup>yā<sup>n</sup> s'ee<sup>n</sup>: Ndis'tií, nducué<sup>n</sup>ē tiempo

nguée n'daacā nadacadíínuu<sup>n</sup>  
nī na staava ye<sup>n</sup>é nī. Ní nguée<sup>n</sup>  
n'diichí nī yúúní ye<sup>n</sup>é.

<sup>11</sup> Ní cáāvā chi dii<sup>n</sup> 'ii<sup>n</sup>yā<sup>n</sup> s'ee<sup>n</sup> 'úú  
ní nguée canee yiinú ye<sup>n</sup>e  
yā ní ca<sup>n</sup>a 'túúca: Cuáácú  
chí 'ii<sup>n</sup>yā<sup>n</sup> s'ee<sup>n</sup> nguée cuuvi  
ndaa yā naachi canée chí  
ntaavi'tuunúū<sup>n</sup> 'ii<sup>n</sup>yā<sup>n</sup> ye<sup>n</sup>e  
ndaata ye<sup>n</sup>é nī.

<sup>12</sup> Maa<sup>n</sup> ní ndís'tiī, hermanos  
ye<sup>n</sup>é, cundée nī cuidado chi nguée<sup>n</sup>  
'áámá ndís'tiī chí nguée n'daacā  
staava ye<sup>n</sup>é nī chí nguée i'téenu nī  
ní nguée divíi nī ye<sup>n</sup>é Ndyuūs chí  
canduuchi. <sup>13</sup> Ní ndís'tiī ní yaa'ví  
nī ví'i nī 'áámá nī taama nī nguuvi  
nguovi taachi maa<sup>n</sup>nguovi ní 'íícú  
mar 'áámá ndís'tiī nguée dicheechí  
nī staava ye<sup>n</sup>é nī cáāvā nuu<sup>n</sup>ndi  
chí nginnche'ēi ndís'tiī. <sup>14</sup> Ní véé  
'áámá cuaa<sup>n</sup> ye<sup>n</sup>é yú ndúúcu Cristo  
nduuti chí s'uuú<sup>n</sup> ní 'áámá canee  
yú ndúúcu chí i'téenu yú vmnáá<sup>n</sup>  
vmnaa<sup>n</sup> ye<sup>n</sup>e Cristo ndí tiempo chí  
'cuūvi yú.

<sup>15</sup> Tíicā canée nguū<sup>n</sup> na libro ye<sup>n</sup>é  
Ndyuūs:

Nguée dicheechí nī staava ye<sup>n</sup>é  
nī chí ditaá<sup>n</sup> nī tan'dúúca chí  
dii<sup>n</sup> 'ii<sup>n</sup>yā<sup>n</sup> na yá<sup>n</sup>āa cuū<sup>n</sup>má<sup>n</sup>  
naachi nguée ch'etinéé  
'ii<sup>n</sup>yā<sup>n</sup> tiempo chí ch'óo  
taachi n'diichinee<sup>n</sup> yā 'úú chí  
Ndyuūs. <sup>16</sup> ¿Du'ú 'ii<sup>n</sup>yā<sup>n</sup> chí  
ch'iindiveé<sup>n</sup> yā nduudu ye<sup>n</sup>é  
Ndyuūs ní cuayiivi nduuvitaá<sup>n</sup>  
yā? 'Túúca dii<sup>n</sup> nducyaaca  
'ii<sup>n</sup>yā<sup>n</sup> chí cue<sup>n</sup>é yā ndúúcu  
Moisés ye<sup>n</sup>e yá<sup>n</sup>āa Egipto.  
Nducyaacá yā nduuvitaá<sup>n</sup> yā.  
<sup>17</sup> ¿Du'ú 'ii<sup>n</sup>yā<sup>n</sup> chí Ndyuūs  
nguée yiinú yā nduucú yā

'uūvi ngeecu nduuyu? 'Túúca  
nguee yiinú yā ndúúcu 'ii<sup>n</sup>yā<sup>n</sup>  
chí dinuu<sup>n</sup>ndí yā ní ch'ti yā na  
yá<sup>n</sup>āa cuū<sup>n</sup>má<sup>n</sup> naachi nguée  
ch'etinéé 'ii<sup>n</sup>yā<sup>n</sup>. <sup>18</sup> ¿Du'ú  
'ii<sup>n</sup>yā<sup>n</sup> chí Ndyuūs nga<sup>n</sup>á yā  
caavā maa<sup>n</sup> chí duuchi yā  
chí 'ii<sup>n</sup>yā<sup>n</sup> s'ee<sup>n</sup> nguée cuuvi  
cundaa yā lugar naachi  
ntaavi'tuunúū<sup>n</sup> 'ii<sup>n</sup>yā<sup>n</sup> ye<sup>n</sup>e  
yā? 'Túúca nga<sup>n</sup>á yā ye<sup>n</sup>e  
'ii<sup>n</sup>yā<sup>n</sup> chí nguée n'giindiveé<sup>n</sup>  
yā nduudu ye<sup>n</sup>e yā. <sup>19</sup> Maa<sup>n</sup> ní  
deenu yú ti 'ii<sup>n</sup>yā<sup>n</sup> s'ee<sup>n</sup> nguée  
cuuvi cundaa yā lugar ye<sup>n</sup>e  
Ndyuūs ti nguée i'téenu yā  
Ndyuūs.

**4** Maa<sup>n</sup> ní Ndyuūs tee yā  
promesa s'uuú<sup>n</sup> chí cuuvi  
cundaa yú lugar ye<sup>n</sup>é yā ní cuuvi  
ntaavi'tuunúū<sup>n</sup> yú ndúúcu Ndyuūs.  
Canée chí candee yú cuidado  
caati 'aatī 'aama chée ndís'tiī nguée<sup>n</sup>  
cucheé nī tanducue<sup>n</sup>é dendu'ū ní  
nguée cuuvi cundaa nī lugar mii<sup>n</sup>.  
<sup>2</sup> Caati 'ii<sup>n</sup>yā<sup>n</sup> ye<sup>n</sup>é Jesucristo ndée<sup>n</sup>  
yā nduudu cuaacu ye<sup>n</sup>é Jesucristo  
nanáá<sup>n</sup> s'uuú<sup>n</sup>, 'tiicā ntúū<sup>n</sup> nanáá<sup>n</sup>  
'ii<sup>n</sup>yā<sup>n</sup> s'ee<sup>n</sup> chí ch'iī yā na yá<sup>n</sup>āa  
cuū<sup>n</sup>má<sup>n</sup> naachi nguée ch'etinéé  
'ii<sup>n</sup>yā<sup>n</sup>. Ní nguée dichí'vē nduudu  
cuaacu ye<sup>n</sup>é Ndyuūs nguaa<sup>n</sup> 'ii<sup>n</sup>yā<sup>n</sup>  
s'ee<sup>n</sup> ti taachi ch'iindiveé<sup>n</sup> yā  
nduudu mii<sup>n</sup> nguée s'téenu yā ye<sup>n</sup>é.  
<sup>3</sup> Naati s'uuú<sup>n</sup> chí i'teenu yú nduudu  
mii<sup>n</sup>, s'uuú<sup>n</sup> ní cuuvi ndaa yú naachi  
ca<sup>n</sup>a Ndyuūs chí ntaavi'tuunúū<sup>n</sup> yú  
ndúúcu yā. 'Tíicā nga<sup>n</sup>a Ndyuūs na  
libro ye<sup>n</sup>é yā naachi canée nguū<sup>n</sup>:  
Cáāvā chí díí<sup>n</sup> 'ii<sup>n</sup>yā<sup>n</sup> s'ee<sup>n</sup> 'úú  
nguée yiinú ye<sup>n</sup>e yā. Ní  
cuaacú nga<sup>n</sup>á nduudu  
ndúúcu maáá<sup>n</sup> chí duuchi.

Nguéé cuuvi ndaa yā nduucú na lugar ye<sup>n</sup>é naachi ntaavi'tuunuú<sup>n</sup>.

Ní Ndyuūs dí'cuinú yā ntii<sup>n</sup>nyu<sup>n</sup> ye<sup>n</sup>é yā taachi din'dái yā i<sup>n</sup>'yee<sup>n</sup>dí 'cūū. <sup>4</sup>Ní 'áámá cuaa<sup>n</sup> ye<sup>n</sup>é libro ye<sup>n</sup>é Ndyuūs naachi canéé nguū<sup>n</sup> ní nga<sup>n</sup>'a ye<sup>n</sup>é ndíí chí ndeēchē nguuvi chi ntaavi'tuunuū<sup>n</sup> 'ii<sup>n</sup>'yā<sup>n</sup>:

Ndyuūs ní ndíí chí ndeēchē nguuvi ntaavi'tuunuú<sup>n</sup> yā ye<sup>n</sup>é tanducué<sup>n</sup>ē ntii<sup>n</sup>nyu<sup>n</sup> ye<sup>n</sup>é yā. <sup>5</sup>Ní canee táámá vmne<sup>n</sup>'ēe na libro ye<sup>n</sup>e Ndyuūs 'tíicā:

'ii<sup>n</sup>'yā<sup>n</sup> s'ee<sup>n</sup> nguéé cuuvi cūndaa yā ní ntaavi'tuunuú<sup>n</sup> yā nduucú. <sup>6</sup>Maa<sup>n</sup> ní véé n'duuvi 'ii<sup>n</sup>'yā<sup>n</sup> chi canéé chi cundaa yā na lugar naachi ntaavi'tuunuú<sup>n</sup> 'ii<sup>n</sup>'yā<sup>n</sup>. Naati 'ii<sup>n</sup>'yā<sup>n</sup> chi vmnáá<sup>n</sup> vmnaa<sup>n</sup> n'giindiveé<sup>n</sup> yā nduudu cuaacu mii<sup>n</sup> nguéé sndaá yā ti nguéé s'téenu yā Ndyuūs. <sup>7</sup>Taama vmné<sup>n</sup>'ēe Ndyuūs s'neé<sup>n</sup> yā 'áámá nguuvi ní nga<sup>n</sup>'a yā chi nguuvi ní maa<sup>n</sup>nguuvi. Ní Ndyuūs nga<sup>n</sup>'a yā ye<sup>n</sup>é nduudu mii<sup>n</sup> cuayii<sup>n</sup> taachí 'āā chó'oo chuū. 'Āā 'naa<sup>n</sup> tiempo nguuvi chi David nga<sup>n</sup>'a sa ye<sup>n</sup>'ē. Ní 'tíicā canéé nguū<sup>n</sup> na libro ye<sup>n</sup>é Ndyuūs ye<sup>n</sup>'ē nguuvi mii<sup>n</sup>:

Maa<sup>n</sup>nguuvi nduuti chi ndís'tiī 'caandiveé<sup>n</sup> nī nduudu chi Ndyuūs nga<sup>n</sup>'á yā: Nguéé dicheechí nī staava ye<sup>n</sup>'é nī. <sup>8</sup>Ní nduuti chi sa<sup>n</sup>'ā Josué chi sa<sup>n</sup>'ā ndíí tiii<sup>n</sup> ye<sup>n</sup>e 'ii<sup>n</sup>'yā<sup>n</sup> Israel s'ee<sup>n</sup> cuuvi sa

ca'a sa 'ii<sup>n</sup>'yā<sup>n</sup> Israel s'ee<sup>n</sup> chí ntaavi'tuunuú<sup>n</sup> yā tuu'mi ní Ndyuūs nguéé canee chi caa<sup>n</sup>'má<sup>n</sup> yā taama vmné<sup>n</sup>'ēe ye<sup>n</sup>'ē táámá nguuvi. <sup>9</sup>Maa<sup>n</sup> ní cáávā chuū véé chí ntaavi'tuunuú<sup>n</sup> 'ii<sup>n</sup>'yā<sup>n</sup> chi ye<sup>n</sup>'é Ndyuūs. <sup>10</sup>Ní 'ii<sup>n</sup>'yā<sup>n</sup> chí sndaá yā naachi Ndyuūs ntaavi'tuunuú<sup>n</sup> yā 'āā ntéé idií<sup>n</sup> yā ntii<sup>n</sup>nyu<sup>n</sup> tan'dúúicā chi Ndyuūs 'āā ntéé idií<sup>n</sup> yā ntii<sup>n</sup>nyu<sup>n</sup>. <sup>11</sup>Maa<sup>n</sup> ní canéé chí dí'cuítu yú chi cuuvi cūndaa yú lugar naachi ntaavi'tuunuú<sup>n</sup> yú ní 'aatīi taná<sup>n</sup>'ā yú dii<sup>n</sup> yú chí nguéé i'téenu yú tan'dúúicā 'ii<sup>n</sup>'yā<sup>n</sup> s'ee<sup>n</sup> chi nguéé chí'téenu yā.

<sup>12</sup>Ní nduudu cuaacu ye<sup>n</sup>'é Ndyuūs ní canduuchi ní neené ditiinú. Ní vee ca 'caāi<sup>n</sup> ye<sup>n</sup>'ē nguéé ti 'áámá machete chi 'caāi<sup>n</sup> nduu 'uuví lados. 'Tíicā nduudu cuaacu ye<sup>n</sup>'é Ndyuūs. Ndaā na coo ye<sup>n</sup>e cuerpo ye<sup>n</sup>e yú naachi canee alma ye<sup>n</sup>e yú ndúúicū espíritu ye<sup>n</sup>e yú ndíí túútē ye<sup>n</sup>e yú. Ní déenu chee chí tumicadínuu<sup>n</sup> yú ndúúicū chee chí ne<sup>n</sup>e yú dii<sup>n</sup> yú chí ngiicā ye<sup>n</sup>e staava ye<sup>n</sup>e yú. <sup>13</sup>Nguéé de'ē vee chí véé chí cuuvi cunúú<sup>n</sup> n'de'ei ye<sup>n</sup>'é Ndyuūs. Ndyuūs din'dái yā tanducué<sup>n</sup>'ē dendu'ū chí véé ní inaá<sup>n</sup> yā nducué<sup>n</sup>'ē tan'dúúicā chí canee nanáa<sup>n</sup> yā. Ní canéé chí ca'a yú cuenta ye<sup>n</sup>e vida ye<sup>n</sup>e yú taachi ndaa yú nanáa<sup>n</sup> yā.

**Jesús ni chiiduú ch'εete  
taavi ca ye<sup>n</sup>e yú**

<sup>14</sup>Jesús chí daiyá Dendyuūs ní chiiduú ch'εete taavi ca ye<sup>n</sup>e yú. Ní cuna<sup>n</sup>'a yā va'ai cheeti nguuvi ní

ndaá yā nanáá<sup>n</sup> Ndyuūs. Ní cáávā chuū canee chí 'áámá canee yú ndúúcū chí i'teenu yú Ndyuūs. <sup>15</sup>Ní chiiduú ch'εete taavi ca ye<sup>n</sup>e yú ya'ai i'inú yā s'uuú<sup>n</sup> taachi n'geenu yú ngii caati Jesús mii<sup>n</sup> ní ch'eenú yā chii tanducué<sup>n</sup>ē tan'dúúcā s'uuú<sup>n</sup> naati nguéé dinuu<sup>n</sup>ndí yā mar 'áámá vmné<sup>n</sup>ēe. <sup>16</sup>Ní cáávā chuū cuuvi ndaa yú nanáá<sup>n</sup> trono ye<sup>n</sup>é Ndyuūs ye<sup>n</sup>e yú ndúúcū confianza ti dine<sup>n</sup>é yā s'uuú<sup>n</sup>. Ní 'íicú Ndyuūs cuuvi ya'ai i'inú yā ye<sup>n</sup>e s'uuú<sup>n</sup> ní cunnee yā s'uuú<sup>n</sup> taachi, véé necesidades ye<sup>n</sup>e yú. Ní itée yā s'uuú<sup>n</sup> dendu<sup>n</sup>ū chí n'daacā n'dai ye<sup>n</sup>é yā.

**5** Tiempo chí ch'ó'oo 'ii<sup>n</sup>yā<sup>n</sup> chí snée yā i<sup>n</sup>'yee<sup>n</sup>dí 'cūū ndεεvé yā cááámá cāaama chiiduú ch'εete chí canée chí díí<sup>n</sup> yā ntii<sup>n</sup>nyu<sup>n</sup> ye<sup>n</sup>é Ndyuūs cucáávā 'ii<sup>n</sup>yā<sup>n</sup> s'ee<sup>n</sup>. Ní ca'á yā ofrendas ní 'caa<sup>n</sup>nú<sup>n</sup> yā 'iiti chí candεε 'ii<sup>n</sup>yā<sup>n</sup> s'ee<sup>n</sup> ti ofrenda caavā nuu<sup>n</sup>ndi ye<sup>n</sup>é yā. <sup>2</sup>Ní chiiduú ch'εete ca ní dinuu<sup>n</sup>ndí yā tan'dúúcā nducyáácā 'ii<sup>n</sup>yā<sup>n</sup>. Ní cáávā chuū véé paciencia ye<sup>n</sup>é yā ndúúcū 'ii<sup>n</sup>yā<sup>n</sup> chí tonto ní ndúúcū 'ii<sup>n</sup>yā<sup>n</sup> chí dinuu<sup>n</sup>ndí yā. <sup>3</sup>Ní chiiduú ch'εete ca cáávā chí dinuu<sup>n</sup>ndi yā canée chí 'caa<sup>n</sup>nú<sup>n</sup> yā 'iiti chí ofrenda ye<sup>n</sup>e maá<sup>n</sup> yā cáávā nuu<sup>n</sup>ndi ye<sup>n</sup>e maá<sup>n</sup> yā tan'dúúcā chí díí<sup>n</sup> taná<sup>n</sup>ā 'ii<sup>n</sup>yā<sup>n</sup> cáávā nuu<sup>n</sup>ndi ye<sup>n</sup>é yā.

<sup>4</sup>Ní mar 'áámá sa<sup>n</sup>ā cuuví díi<sup>n</sup> sa nombrar maa<sup>n</sup> sa lado ye<sup>n</sup>é chiiduú ch'εete ca cáávā chí maá<sup>n</sup> sa ne<sup>n</sup>e sa ti Ndyuūs yaa'ví yā sa<sup>n</sup>ā chí cuuvi chiiduú ch'εete ca chí díi<sup>n</sup> sa ntii<sup>n</sup>nyu<sup>n</sup> ye<sup>n</sup>é yā tan'dúúcā chí yaa'ví yā sa<sup>n</sup>ā Aarón chí cuuvi chiiduú ch'εete ca tiempo chí 'āā ch'ó'oo. <sup>5</sup>Tiicá ntúū<sup>n</sup> ch'ó'oo ye<sup>n</sup>e

Cristo. Cristo mii<sup>n</sup> nguéé díí<sup>n</sup> yā nombrar maá<sup>n</sup> yā chí cuuvi chiiduú ch'εete ca. Ndyuūs yaa'ví yā Cristo chí cuuvi chiiduú ch'εete ca. Ní 'tíicā canée nguū<sup>n</sup> na libro ye<sup>n</sup>é Ndyuūs:

Dii ní daiyá, 'úú ní chiida di ní cuaacu chí díi ní daiyá.

<sup>6</sup>Nga<sup>n</sup>a ntúū<sup>n</sup> táámá ni canée nguū<sup>n</sup> na libro ye<sup>n</sup>é Ndyuūs 'tíicā:

Díí ní daiyá ní cué<sup>n</sup>é daā<sup>n</sup>ma<sup>n</sup> canee di chiiduú ch'εete ca. Tan'dúúcā chí tiempo chí 'āā ch'ó'oo chiiduú ch'εete ca chí nguuvi Melquisedec 'tiicá ní ti ye<sup>n</sup>é ndaata ye<sup>n</sup>é yā. <sup>7</sup>Ní taachi Jesús canee yā i<sup>n</sup>'yee<sup>n</sup>dí

'cūū ca<sup>n</sup>'angua'á yā nanáá<sup>n</sup> Ndyuūs chiidá yā ní nga<sup>n</sup>a yā: N'díí Ndyuūs díí<sup>n</sup> ní chíi<sup>n</sup> chí ne<sup>n</sup>é ní. Ní 'cai diitú yā ne<sup>n</sup>e chí cheécú yā: N'díi, Ndyuūs, cuuvi nadanguá<sup>n</sup>ai ní 'úú chí nguéé 'cuúví nduuti chí ne<sup>n</sup>é ní díí<sup>n</sup> ní 'tíicā. Ní Ndyuūs ch'iindiveé<sup>n</sup> yā nduudu ye<sup>n</sup>e Jesús taachi nga<sup>n</sup>'angua'á yā ti dich'εeté yā Ndyuūs. Ní Ndyuūs ca'á yā fuerzas Jesús.

<sup>8</sup>Ní 'áará chí Jesús mii<sup>n</sup> ní daiyá Dendyuūs ch'ee<sup>n</sup> yā cáávā dendú'ū chí canée chí ch'eenú yā chíi ní ch'iindiveé<sup>n</sup> yā ye<sup>n</sup>e nducué<sup>n</sup>ē. <sup>9</sup>Ní taachi Ndyuūs n'diichineé<sup>n</sup> yā Jesús, Jesús mii<sup>n</sup> ní díí<sup>n</sup> yā nducué<sup>n</sup>ē chí ne<sup>n</sup>e Ndyuūs. Ní 'íicú Jesús mii<sup>n</sup> cuuví yā nadanguá<sup>n</sup>ai yā nducyaaca s'uuú<sup>n</sup> chí n'giindivee<sup>n</sup> yú ye<sup>n</sup>e yā. <sup>10</sup>Ní Ndyuūs díí<sup>n</sup> yā chí Jesús cuuvi chiiduú



ch'εετε ca tan'dúúcā tiempo chi ch'ó'oo chiiduú ch'εετε ca chi nguuví Melquisedec, 'tiicá yā.

**Véé peligro ye<sup>n</sup>e yú chi nga<sup>n</sup>a yú chi 'āā ntéé i'teenu yú Jesucristo**

<sup>11</sup>Maa<sup>n</sup> ní véé cá chi ne<sup>n</sup>'é 'nū caa<sup>n</sup>'má<sup>n</sup> 'nū ye<sup>n</sup>e Melquisedec chi chiiduú ch'εετε ca naati ngii n'dái caa<sup>n</sup>'má<sup>n</sup> 'nū ye<sup>n</sup>'ē ti ndís'tií ní nguéé ituumicadiinuu<sup>n</sup> nī. <sup>12</sup>'Āā ch'ó'oo tiempo chi ndís'tií 'āā s'téenu nī ní maa<sup>n</sup> ní ndís'tií canéé chí ca'cueé<sup>n</sup> nī 'ii<sup>n</sup>'yā<sup>n</sup> naati ndíí maa<sup>n</sup> 'āā ne<sup>n</sup>'é nī taama vmné<sup>n</sup>'ēe chi 'áámá 'ii<sup>n</sup>'yā<sup>n</sup> ca'cueé<sup>n</sup> yā ndís'tií denduū chi vmnáá<sup>n</sup> vmnaa<sup>n</sup> ye<sup>n</sup>'é Ndyuūs. Ní ndís'tií ní 'āā débíl nī. Ní tan'dúúcā dacuá'āa chi ne<sup>n</sup>'e leche ní nguéé ne<sup>n</sup>'e comida chi ditiinú, 'tiicá nī. <sup>13</sup>Ní 'ii<sup>n</sup>'yā<sup>n</sup> chi dámaa<sup>n</sup> ngi'i leche ní tan'dúúcā dacuá'āa 'tiicá yā. Ní nguéé deenú yā de'ē chi n'daacā o de'ē chi nguéé n'daacā. <sup>14</sup>Ní comida chí ditiinu ní che'é 'ii<sup>n</sup>'yā<sup>n</sup> n'geēté chi 'āā deenú yā in'nuú yā chéé chí n'daacā o chéé chi nguéé n'daacā caati 'tíicā costumbre ye<sup>n</sup>'é yā chi díí<sup>n</sup> yā.

**6** Maa<sup>n</sup> ní i'téenu ca yú ní 'caandivee<sup>n</sup> ca yú cosas chi chεechi chi 'ii<sup>n</sup>'yā<sup>n</sup> ca'cueé<sup>n</sup> yā s'uúú<sup>n</sup>. Ní nguéé ne<sup>n</sup>'e yú 'caandivee<sup>n</sup> yú taama vmné<sup>n</sup>'ēe tan'dúúcā chi ngi'cueé<sup>n</sup> yā s'uúú<sup>n</sup> ndii vmnáá<sup>n</sup> vmnaa<sup>n</sup> taachi cáámá i'teenu yú nduudu cuaacu ye<sup>n</sup>'é Cristo. Ní nguéé nga<sup>n</sup>a yú táámá vmné<sup>n</sup>'ēe chi s'nee<sup>n</sup> yú ntii<sup>n</sup>'nyu<sup>n</sup> ye<sup>n</sup>'e yú chi nguéé n'daacā chí díí<sup>n</sup> chi 'cuūvi yú ti maa<sup>n</sup> ní i'teenu yú Jesucristo. <sup>2</sup>Ní nguéé ca'cuee<sup>n</sup> ca yú ye<sup>n</sup>'ē chi

ngεεdínuū<sup>n</sup> ní, ní nguéé ye<sup>n</sup>'ē chi s'nuu<sup>n</sup> yú ta'a yú nanáá<sup>n</sup> tíí<sup>n</sup> 'ii<sup>n</sup>'yā<sup>n</sup>, ní nguéé ye<sup>n</sup>'ē chi nduuchí 'ii<sup>n</sup>'yā<sup>n</sup> chi ye<sup>n</sup>'e Cristo ye<sup>n</sup>'ē nguaa<sup>n</sup> tiná<sup>n</sup>'ā, ní nguéé ye<sup>n</sup>'ē nguuví chi Cristo díí<sup>n</sup> yā juzgar nducyaaca 'ii<sup>n</sup>'yā<sup>n</sup>.

<sup>3</sup>Ca'cuee<sup>n</sup> ca yú más cā ye<sup>n</sup>'e chi i'téenu yú ye<sup>n</sup>'e Cristo. Ní chuū ní díí<sup>n</sup> yú nduuti chi Ndyuūs ne<sup>n</sup>'e yā.

<sup>4</sup>Ní 'de'ē ye<sup>n</sup>'e 'ii<sup>n</sup>'yā<sup>n</sup> chi 'āā sta'á yā dεeve chi Cristo, ní sta'á yā cosas chi n'dai taavi chi Cristo ca'a yā, ní 'āā sta'á yā Espíritu N'dai ye<sup>n</sup>'e Cristo, <sup>5</sup>ní deēnú yā nduudu cuaacu chí n'dai chí ye<sup>n</sup>'é Ndyuūs ndúúcū poder chi ye<sup>n</sup>'e táámá i<sup>n</sup>'yee<sup>n</sup>di chi cuchii? <sup>6</sup>Ní nduuti chi 'ii<sup>n</sup>'yā<sup>n</sup> s'ee<sup>n</sup> ndaacadaamí yā ye<sup>n</sup>'e Cristo ní dinuu<sup>n</sup>ndí yā, nguéé cuuvi díí<sup>n</sup> yā ndaa yā nanáá<sup>n</sup> Cristo chi nadach'εεcú yā nuu<sup>n</sup>ndi ye<sup>n</sup>'é yā, tí 'ii<sup>n</sup>'yā<sup>n</sup> s'ee<sup>n</sup> díí<sup>n</sup> yā tan'dúúcā chi s'néé<sup>n</sup>nga'á yā daiyá Ndyuūs mii<sup>n</sup> taama vmné<sup>n</sup>'ēe. Ní díí<sup>n</sup> yā chi Cristo mii<sup>n</sup> 'cuiináa<sup>n</sup> yā nguaa<sup>n</sup> 'yáá<sup>n</sup> n'dái 'ii<sup>n</sup>'yā<sup>n</sup>. <sup>7</sup>Ndyuūs díí<sup>n</sup> yā ndúúcū 'ii<sup>n</sup>'yā<sup>n</sup> s'ee<sup>n</sup> tan'dúúcā chi díí<sup>n</sup> yā ndúúcū yá<sup>n</sup>'āa taachi n'dee cuuvi ngee<sup>n</sup> cuūvi vmnáá<sup>n</sup> yá<sup>n</sup>'āa ni yá<sup>n</sup>'āa sta'á nuū<sup>n</sup>nī<sup>n</sup> mii<sup>n</sup> 'áámá 'áámá vmné<sup>n</sup>'ēe chi ngee<sup>n</sup> cúúvi. Ndyuūs ca'á yā yá<sup>n</sup>'āa mii<sup>n</sup> cosecha chi n'dai 'ii<sup>n</sup>'yā<sup>n</sup> chí ngiínú yā ndaataá. <sup>8</sup>Naati nduuti chi yá<sup>n</sup>'āa mii<sup>n</sup> ní ngii yáá<sup>n</sup> ye<sup>n</sup>'ē ndúúcū yaata chi nguéé dichí'vē tuu'mi ní nguéé dichí'vē. Ní Ndyuūs nguéé ca'á yā cosecha n'dai ye<sup>n</sup>'ē níícu cuayiivi 'ii<sup>n</sup>'yā<sup>n</sup> ní 'nee<sup>n</sup> yá<sup>n</sup>'a yā yá<sup>n</sup>'āa mii<sup>n</sup>.

**Véé chi cuuvi ye<sup>n</sup>'e yú chi nnee s'uúú<sup>n</sup> chi 'áámá cunee yú**

<sup>9</sup>Maa<sup>n</sup> ní 'áará chi nga<sup>n</sup>'á 'nū 'tíicā ye<sup>n</sup>'e ndís'tií, hermanos, deenu 'nū chi véé cosas chi n'dai taavi ca ye<sup>n</sup>'é



ní ti ye<sup>ne</sup> Cristo ndís'tií ní Ndyuūs nadanguá<sup>ai</sup> yā ndís'tií. <sup>10</sup>Ndyuūs dámaā<sup>n</sup> dí<sup>n</sup> yā dendu'ū chí cuaacu. Nn'gaacú yā ye<sup>ne</sup> ntií<sup>n</sup>nyu<sup>n</sup> chí dí<sup>n</sup> ní ní táácā nneé ní hermanos ye<sup>ne</sup> yú caati dine<sup>ne</sup> ní hermanos chí i'téenu yā Jesucristo. Ní 'tíicā ní dí<sup>n</sup> ní nguuví nguuví. <sup>11</sup>Maa<sup>n</sup> ní ne<sup>ne</sup> 'nū chí ca'áámá ca'áámá ndís'tií daamá nū<sup>n</sup> idí<sup>n</sup> ní ndúú<sup>cū</sup> nūú<sup>n</sup> má<sup>n</sup> staava ye<sup>ne</sup> ní tan'dúú<sup>cā</sup> chí dí<sup>n</sup> ní taachi cáámá i'téenu ní. Ní dí<sup>n</sup> ní ndí<sup>n</sup> tiempo chí ch'íi ní. Ní 'tíicā cuuvi cuaacu chí véé chí cuuvi ye<sup>ne</sup> ní. <sup>12</sup>Nguéé ne<sup>ne</sup> 'nū chí nduuví 'daan'di ní naati ne<sup>ne</sup> 'nū chí din'daacá ní tan'dúú<sup>cā</sup> taná<sup>n</sup> a cā 'ii<sup>n</sup> yā<sup>n</sup> chí i'téenu yā. Ní cunee ngiinú yā ye<sup>ne</sup> vaadí n'dai chí Ndyuūs ca'á yā 'ii<sup>n</sup> yā<sup>n</sup> s'ee<sup>n</sup> chí Ndyuūs nga<sup>n</sup> á yā chí cuuvi ye<sup>ne</sup> yā 'ii<sup>n</sup> yā<sup>n</sup> s'ee<sup>n</sup>.

<sup>13</sup>Āā 'náán tiempo chí chó'ōo Ndyuūs dí<sup>n</sup> yā 'áámá compromiso ndúú<sup>cū</sup> Abraham ní Ndyuūs nga<sup>n</sup> á yā cáávā chí duuchi maá<sup>n</sup> yā chí 'tíicā ca<sup>n</sup> á yā dí<sup>n</sup> yā caati nguéé cá táámá 'ii<sup>n</sup> yā<sup>n</sup> chí ch'ēete cá yā ti Ndyuūs. <sup>14</sup>Ní ca<sup>n</sup> a yā: Díí, Abraham, cuaacu ní<sup>n</sup>nyú<sup>n</sup> di'viicú díí ní dí<sup>n</sup> chí cuuvi n'deeé n'dái daiyá 'ii<sup>n</sup> yā<sup>n</sup> ye<sup>ne</sup> di cuaa<sup>n</sup> naachi cuchíi. <sup>15</sup>Abraham cūnee ngiinú yā compromiso ye<sup>ne</sup> Ndyuūs ndúú<sup>cū</sup> vaadí ngiinú ní tunée yā compromiso chí Ndyuūs ca<sup>n</sup> a yā chí ca'á yā Abraham mii<sup>n</sup>. <sup>16</sup>Maa<sup>n</sup> ní taachi 'ii<sup>n</sup> yā<sup>n</sup> ye<sup>ne</sup> i<sup>n</sup> yee<sup>n</sup> dí' cūū nga<sup>n</sup> á yā chí cuaacu ní<sup>n</sup>nyú<sup>n</sup> ca<sup>n</sup> á yā dí<sup>n</sup> yā, nga<sup>n</sup> á yā “Por Dios” cucáávā 'áámá yā chí ch'ēete cá yā nguéé ti 'ii<sup>n</sup> yā<sup>n</sup> s'ee<sup>n</sup>. Ní<sup>n</sup> cū taachi 'ii<sup>n</sup> yā<sup>n</sup> s'ee<sup>n</sup> nga<sup>n</sup> á yā chí 'tíicā ca<sup>n</sup> á

yā dí<sup>n</sup> yā cáávā 'ii<sup>n</sup> yā<sup>n</sup> mii<sup>n</sup> chí ch'ēete ca tuu<sup>n</sup> mi ní nguéé véé más cā chí cuuvi caa<sup>n</sup> má<sup>n</sup> yā ye<sup>ne</sup>. <sup>17</sup>Ní 'tíicā Ndyuūs ne<sup>ne</sup> yā chí 'ii<sup>n</sup> yā<sup>n</sup> s'ee<sup>n</sup> ye<sup>ne</sup> Abraham chí cuaacu ní<sup>n</sup>nyú<sup>n</sup> dí<sup>n</sup> yā cumplír compromiso ye<sup>ne</sup> yā. Ní nguéé n'daa<sup>n</sup> mar 'áámá nduudu ye<sup>ne</sup> yā. Ní cáávā chuū nga<sup>n</sup> á yā cucáávā chí duuchi maá<sup>n</sup> yā. <sup>18</sup>Ní cáávā chuū véé 'úúví dendu'ū chí nguéé cuuvi n'daa<sup>n</sup>. Ndyuūs ní nguéé cuuvi cu<sup>n</sup> neé<sup>n</sup> yā táámá cosa lugar ye<sup>ne</sup> 'uuví compromiso ye<sup>ne</sup> Ndyuūs ndúú<sup>cū</sup> chí nga<sup>n</sup> á yā chí ca<sup>n</sup> á yā dí<sup>n</sup> yā cáávā chí duuchi maá<sup>n</sup> yā. Ndyuūs nguéé cuuvi caa<sup>n</sup> má<sup>n</sup> yā nduudu yaadi. Ní ndúú<sup>cū</sup> compromiso ye<sup>ne</sup> yā, Ndyuūs tee yā s'uúú<sup>n</sup> 'viich'ētíí<sup>n</sup> nū<sup>n</sup> ch'ēete ye<sup>ne</sup> yú caati s'uúú<sup>n</sup> n'nuu<sup>n</sup> yú Ndyuūs ní i'téenu yú 'yā ní ye<sup>ne</sup> chí Ndyuūs tée yā chí cuuvi ye<sup>ne</sup> yú. <sup>19</sup>Chí<sup>n</sup> chí i'téenu yú cáávā alma ye<sup>ne</sup> yú ní tan'dúú<sup>cā</sup> 'áámá ancla ye<sup>ne</sup> barco ti i'nēē<sup>n</sup> dí<sup>n</sup> barco chí 'āā ntéé ínu<sup>n</sup>. 'Tíicā s'uúú<sup>n</sup> ndúú<sup>cū</sup> chí i'téenu yú cuuvi ndáá ní<sup>n</sup>nyú<sup>n</sup> yú nanáá<sup>n</sup> Ndyuūs. <sup>20</sup>Jesucristo 'āā ndaá yā nanáá<sup>n</sup> Ndyuūs vmnáá<sup>n</sup> vmaá<sup>n</sup> ye<sup>ne</sup> s'uúú<sup>n</sup>. Ní maa<sup>n</sup> ní cááva yā cuuvi ndaa yú nanáá<sup>n</sup> Ndyuūs. Ní maa<sup>n</sup> ní Jesucristo mii<sup>n</sup> ní chiiduú ch'ēete ca ye<sup>ne</sup> yú chí 'áámá cūnee ná ntií<sup>n</sup>nyu<sup>n</sup> mii<sup>n</sup>. Ní tan'dúú<sup>cā</sup> chiiduú ch'ēete ca Melquisedec chí 'áámá cūnee na ntií<sup>n</sup>nyu<sup>n</sup> 'āā tiicá nū<sup>n</sup> Jesucristo.

**Ye<sup>ne</sup> Jesús chí chiiduú ch'ēete  
ca tan'dúú<sup>cā</sup> Melquisedec  
chí chiiduú ch'ēete ca**

**7** 'ii<sup>n</sup> yā<sup>n</sup> Melquisedec ní rey ye<sup>ne</sup> yáá<sup>n</sup> Salem ní chiiduú

ch'εεte ca ye<sup>n</sup>e Ndyuūs chí ch'εεte n'dai. Tiempo chi 'āā 'nāá'n ch'ó'ō, sa<sup>n</sup>ā Abraham ní taachi cuchí sa chi che<sup>n</sup>e sa ná caandaá naachi ch'ii<sup>n</sup>'nu<sup>n</sup> sa reyes, sa<sup>n</sup>ā Abraham mii<sup>n</sup> ndaaca sa nanáá<sup>n</sup> chiiduú ch'εεte ca Melquisedec ní Melquisedec di'viicú yā Abraham. <sup>2</sup>Ní Abraham mii<sup>n</sup> ní caā sa Melquisedec 'áámá ndiichí parte ye<sup>n</sup>e nducué<sup>n</sup>ē chi divíi yā ye<sup>n</sup>e 'ii<sup>n</sup>'yā<sup>n</sup> ye<sup>n</sup>e reyes cucáá<sup>n</sup>vā caāndāa. Ní chi duuchi chi Melquisedec vmnáá<sup>n</sup> vmnaa<sup>n</sup> ne<sup>n</sup>ē caa<sup>n</sup>'má<sup>n</sup> rey chi ye<sup>n</sup>e vaadi cuaacu. Ní cuayivi ní ne<sup>n</sup>e caa<sup>n</sup>'má<sup>n</sup> rey ye<sup>n</sup>e yāá<sup>n</sup> Salem, ní chi duuchí yā ne<sup>n</sup>e caā<sup>n</sup>'ma<sup>n</sup> rey ye<sup>n</sup>e vaadi 'dii<sup>n</sup>. <sup>3</sup>Nguéé canee nguū<sup>n</sup> chεε chi chεεcú Melquisedec, chεē chi chiidá yā ndíi nguéé ndúú ye<sup>n</sup>e 'ii<sup>n</sup>'yā<sup>n</sup> ye<sup>n</sup>e yā ye<sup>n</sup>e chi chiicá yā. Nguéé canee nguū<sup>n</sup> ye<sup>n</sup>e tiempo chi ch'ii<sup>n</sup>diyáa<sup>n</sup> yā ndíi nguéé ndúú ye<sup>n</sup>e tiempo chi ch'ii yā. Ní cucáá<sup>n</sup>vā chuū Melquisedec mii<sup>n</sup> tan'dúúca daiyá Ndyuūs 'tiicá yā ti 'áámá chiiduú ch'εεte ca chi 'áámá cūnee<sup>n</sup> na nti<sup>n</sup>'nyu<sup>n</sup> cue<sup>n</sup>e daā<sup>n</sup>'ma<sup>n</sup>.

<sup>4</sup>Maa<sup>n</sup> ní nadacádíinu<sup>n</sup> ní chi ch'εεte n'dai sa<sup>n</sup>ā Abraham 'cūū. Abraham ca'a yā 'áámá ndiichi parte ye<sup>n</sup>e nducué<sup>n</sup>ē chi divíi yā ye<sup>n</sup>e reyes taachi cu<sup>n</sup>'u yā na caāndaá. <sup>5</sup>'Tíicā nga<sup>n</sup>'ā ley ye<sup>n</sup>e Ndyuūs chi Moisés dingú<sup>n</sup> yā: Nducyaaca chiiduú chi ye<sup>n</sup>e ndaata ye<sup>n</sup>e 'ii<sup>n</sup>'yā<sup>n</sup> Leví canéé chi cuta'á yā ndíichí parte ye<sup>n</sup>e nducué<sup>n</sup>ē chi véé ye<sup>n</sup>e nducyáácá 'ii<sup>n</sup>'yā<sup>n</sup> chí ye<sup>n</sup>e Abraham ní ye<sup>n</sup>e 'ii<sup>n</sup>'yā<sup>n</sup> ye<sup>n</sup>e ndaata ye<sup>n</sup>e yā, ti 'ii<sup>n</sup>'yā<sup>n</sup> Leví mii<sup>n</sup> ní ye<sup>n</sup>e ndaata Abraham. <sup>6</sup>Naati

chiiduú ch'εεte ca Melquisedec mii<sup>n</sup> ní nguéé ye<sup>n</sup>e 'ii<sup>n</sup>'yā<sup>n</sup> Leví naati sta'á yā ndíichí parte ye<sup>n</sup>e Abraham. Ní Abraham mii<sup>n</sup> ní sa<sup>n</sup>ā chi Ndyuūs di<sup>n</sup> yā compromiso ndúúcu sa chi véé chi cuuvi ye<sup>n</sup>e sa. Ní chiiduú ch'εεte ca Melquisedec di'viicú yā Abraham. <sup>7</sup>Maa<sup>n</sup> ní Melquisedec chí di'viicú yā Abraham ní ch'εεte cá yā nguéé ti Abraham chí di'viicú yā 'yā. <sup>8</sup>Maa<sup>n</sup> ní 'ii<sup>n</sup>'yā<sup>n</sup> Leví chi ita'á yā chí ndiichí parte ye<sup>n</sup>e nducué<sup>n</sup>ē chí vεε ye<sup>n</sup>e yú, ní 'ii<sup>n</sup>'yā<sup>n</sup> chí ca<sup>n</sup>'á yā 'cuūvi yā. Naati canéé nguū<sup>n</sup> na libro ye<sup>n</sup>e Dendyuūs 'tíicā chí chiiduú ch'εεte ca Melquisedec chí sta'á yā ndiichi parte ye<sup>n</sup>e 'ii<sup>n</sup>'yā<sup>n</sup> ní nguéé nga<sup>n</sup>'ā chí n'díi yā. <sup>9</sup>Ní chuū ní ne<sup>n</sup>e caa<sup>n</sup>'mā<sup>n</sup> chí taachi Abraham ca'á yā ndiichi parte ye<sup>n</sup>e yā chíiduú ch'εεte ca Melquisedec, maa<sup>n</sup> tiempo nūu<sup>n</sup> 'ii<sup>n</sup>'yā<sup>n</sup> ye<sup>n</sup>e Leví chí ye<sup>n</sup>e ndaata Abraham ní 'ii<sup>n</sup>'yā<sup>n</sup> chí sta'á yā ntúū<sup>n</sup> chí ndiichi parte ye<sup>n</sup>e yā. 'Tiicá ntúū<sup>n</sup> ca'a yā chí ndiichi parte ye<sup>n</sup>e yā chíiduú ch'εεte ca Melquisedec. <sup>10</sup>Ní 'áará chí sa<sup>n</sup>ā Leví mii<sup>n</sup> 'āā cuéé 'cuundiyaā<sup>n</sup> sa, Abraham mii<sup>n</sup> di<sup>n</sup> yā chuū cáá<sup>n</sup>vā 'ii<sup>n</sup>'yā<sup>n</sup> ye<sup>n</sup>e yā chí 'āā cuéé 'cuundiyaā<sup>n</sup> yā taachi ndaācā sa chíiduú ch'εεte ca Melquisedec cuaa<sup>n</sup> na yúúni, ní ca'á yā chí ndiichi parte mii<sup>n</sup>.

<sup>11</sup>Maa<sup>n</sup> ní 'ii<sup>n</sup>'yā<sup>n</sup> s'ee<sup>n</sup> ye<sup>n</sup>e ndaata Israel sta'á yā ley ye<sup>n</sup>e yā ye<sup>n</sup>e chíiduú s'ee<sup>n</sup> chí ye<sup>n</sup>e ndaata Leví. Ní 'ii<sup>n</sup>'yā<sup>n</sup> Leví s'ee<sup>n</sup> ní ye<sup>n</sup>e ndaata Aarón. Ní nduuti chí 'ii<sup>n</sup>'yā<sup>n</sup> Leví s'ee<sup>n</sup> cuuvi di<sup>n</sup> yā chí nducyaaca 'ii<sup>n</sup>'yā<sup>n</sup> cuuvi 'cuεetinéé n'daacá yā ní nguéé nuu<sup>n</sup>ndi ye<sup>n</sup>e yā, 'de'ē cáá<sup>n</sup>vā chí ne<sup>n</sup>e yā táámá

chiiduú ch'etete ca chí 'āā vi'í cā ní nguéé ye<sup>n</sup>ē ndaata chiiduú Aaron? Naati tan'dúucā chiiduú ch'etete ca Melquisedec, 'tíicā yā. <sup>12</sup>Caati naachi n'ḏaa<sup>n</sup> yā chiiduú ch'etete ca ye<sup>n</sup>ē táámá ndaata ye<sup>n</sup>e 'ii<sup>n</sup>'yā<sup>n</sup> Israel 'tíicā ntúū<sup>n</sup> canee chi n'ḏaa yā ley. <sup>13</sup>Ná libro ye<sup>n</sup>é Ndyuūs 'tíicā canéé nguū<sup>n</sup> ye<sup>n</sup>e Señor ye<sup>n</sup>e yú. Señor ní ye<sup>n</sup>ē táámá 'ii<sup>n</sup>'yā<sup>n</sup> chi nguéé dí<sup>n</sup> yā ntii<sup>n</sup>'nyu<sup>n</sup> ye<sup>n</sup>e chiiduú chi dí<sup>n</sup> ntii<sup>n</sup>'nyu<sup>n</sup> ye<sup>n</sup>ē nátai naachi 'caa<sup>n</sup>'nú<sup>n</sup> yā 'iiti cáávā ye<sup>n</sup>e ofrenda ye<sup>n</sup>e Ndyuūs. <sup>14</sup>Nducyaaca 'ii<sup>n</sup>'yā<sup>n</sup> ní déenu yā chi Señor Jesucristo ye<sup>n</sup>ē yú ch'iindiyáa<sup>n</sup> yā ye<sup>n</sup>ē 'ii<sup>n</sup>'yā<sup>n</sup> ye<sup>n</sup>e Judá. Ní Moisés nguéé nga<sup>n</sup>'a yā de'ē vee ye<sup>n</sup>e 'ii<sup>n</sup>'yā<sup>n</sup> ye<sup>n</sup>e Judá taachi cā<sup>n</sup>'a yā ye<sup>n</sup>e chiiduú ye<sup>n</sup>e ndaata ye<sup>n</sup>é yā.

<sup>15</sup>Ní neené cuaacu ca canee taachi ndaa táámá chiiduú chí tan'dúucā chiiduú ch'etete ca Melquisedec, 'tíicā yā. <sup>16</sup>Ní táámá chiiduú mii<sup>n</sup> nguéé dí<sup>n</sup> yā ntii<sup>n</sup>'nyu<sup>n</sup> ye<sup>n</sup>ē chiiduú cáávā ley chi nga<sup>n</sup>'a chi chiiduú mii<sup>n</sup> canee chi cuuvi ye<sup>n</sup>e 'ii<sup>n</sup>'yā<sup>n</sup> ye<sup>n</sup>e ndaata ye<sup>n</sup>e chiiduú. Naati táámá chiiduú mii<sup>n</sup> dí<sup>n</sup> yā ntii<sup>n</sup>'nyu<sup>n</sup> ye<sup>n</sup>ē chiiduú cáávā chi véé vida cue<sup>n</sup>e daā<sup>n</sup>'ma<sup>n</sup> ye<sup>n</sup>é yā ní véé poder ye<sup>n</sup>é yā. <sup>17</sup>'Tíicā canee nguū<sup>n</sup> na libro ye<sup>n</sup>é Ndyuūs naachi Ndyuūs nga<sup>n</sup>'á yā ye<sup>n</sup>e yā 'tíicā:

Dí<sup>n</sup> ní 'áámá chiiduú chi cue<sup>n</sup>é daā<sup>n</sup>'ma<sup>n</sup> 'áámá cūnee na ntii<sup>n</sup>'nyu<sup>n</sup>. Tan'dúucā chiiduú ch'etete ca Melquisedec 'tíicā nī. <sup>18</sup>Maa<sup>n</sup> ní ley ye<sup>n</sup>e Moisés ní nguéé ley ye<sup>n</sup>ē maa<sup>n</sup> caati nguéé dichí'vē. <sup>19</sup>Ley ye<sup>n</sup>e Moisés nguéé cuuvi dí<sup>n</sup> chi 'ii<sup>n</sup>'yā<sup>n</sup> 'cuetinéé n'daaca yā

chi nguéé nuu<sup>n</sup>ndi ye<sup>n</sup>é yā. Naati maa<sup>n</sup> ná lugar ye<sup>n</sup>ē ley mii<sup>n</sup> véé 'viich'etifínū<sup>n</sup> chi n'daacā ca chi cuuvi ye<sup>n</sup>ē yú chi Ndyuūs tee yā s'uú<sup>n</sup>. Ní cáávā chuū ndaa yú nanáá<sup>n</sup> Ndyuūs.

<sup>20</sup>Ní Ndyuūs, cáávā chi duuchi maá<sup>n</sup> yā, ca<sup>n</sup>'a yā chi dí<sup>n</sup> yā chi Jesucristo chiiduú ch'etete ca. Taná<sup>n</sup>'ā ca chiiduú dí<sup>n</sup> yā ntii<sup>n</sup>'nyu<sup>n</sup> tan'dúucā chi nga<sup>n</sup>'a reglas ye<sup>n</sup>e 'ii<sup>n</sup>'yā<sup>n</sup> nguéé cáávā mar 'áámá nombre ye<sup>n</sup>é Ndyuūs. Naati ye<sup>n</sup>ē táámá chiiduú ch'etete ca chi Jesucristo, Ndyuūs nga<sup>n</sup>'á yā ye<sup>n</sup>e Jesucristo ndúucū chi duuchi maá<sup>n</sup> yā chi canéé yā 'áámá chiiduú ch'etete ca. <sup>21</sup>'Tíicā canéé nguū<sup>n</sup> na libro ye<sup>n</sup>é Ndyuūs naachi Ndyuūs nga<sup>n</sup>'a yā ye<sup>n</sup>ē taama yā:

Señor Ndyuūs nga<sup>n</sup>'á yā ndúucū chi duuchi maá<sup>n</sup> yā ní nguéé n'ḏaa<sup>n</sup> yā chi nga<sup>n</sup>'a yā. Dí<sup>n</sup> ní cue<sup>n</sup>é daā<sup>n</sup>'ma<sup>n</sup> canéé dí<sup>n</sup> chi dí<sup>n</sup> ní 'áámá chiiduú dí<sup>n</sup> tan'dúucā chiiduú ch'etete ca Melquisedec 'tíicā di. <sup>22</sup>Maa<sup>n</sup> ní cucáávā chi Ndyuūs dí<sup>n</sup> yā chuū, Jesús ní dí<sup>n</sup> yā chi seguro canee compromiso ye<sup>n</sup>é Ndyuūs. Ní n'daacā ca nguéé ti chi vmnáá<sup>n</sup> vmnaa<sup>n</sup> chi ye<sup>n</sup>é 'ii<sup>n</sup>'yā<sup>n</sup> s'ee<sup>n</sup>. <sup>23</sup>'Tíicā dendú'ū neené 'yaa<sup>n</sup> chiiduú vee naati nguéé ch'etiné yā ndúucū ntii<sup>n</sup>'nyu<sup>n</sup> caati ch'i<sup>n</sup> yā. <sup>24</sup>Naati Jesucristo mii<sup>n</sup> nguéé ch'i<sup>n</sup> yā ti 'áámá canee yā. Ní nguéé ca'á yā táámá 'ii<sup>n</sup>'yā<sup>n</sup> ntii<sup>n</sup>'nyu<sup>n</sup> chi ye<sup>n</sup>é yā. <sup>25</sup>Maa<sup>n</sup> ní Jesucristo cuuvi nadanguá<sup>n</sup>'ai yā cue<sup>n</sup>e

daa<sup>n</sup>ma<sup>n</sup> nducyáacá 'i<sup>n</sup>yā<sup>n</sup>  
chi ndaa yā nanáá<sup>n</sup> Ndyuūs  
cáávā Jesucristo mi<sup>n</sup>. Nífcú  
Jesucristo mi<sup>n</sup> canduuchí  
yā cue<sup>n</sup>e daa<sup>n</sup>ma<sup>n</sup> ní  
nga<sup>n</sup>angua<sup>a</sup> yā cáávā 'i<sup>n</sup>yā<sup>n</sup>  
s'ee<sup>n</sup> chi ye<sup>n</sup>é yā.

<sup>26</sup>Tífcā Jesús mi<sup>n</sup> ní chiiduú  
ch'εete ca chi itée yā necesidades  
ye<sup>n</sup>e yú. Ní deeve yā. Ní nguée dí<sup>n</sup>  
yā cosas chi nguée n'daacā. Ní  
nguée dí<sup>n</sup> yā mar 'áámá nuu<sup>n</sup>ndi.  
Jesucristo mi<sup>n</sup> 'āā víí ca yā ye<sup>n</sup>e  
'i<sup>n</sup>yā<sup>n</sup> chi dinuu<sup>n</sup>ndí yā. Ní cue<sup>n</sup>é  
yā yaācu cá nguée tí nanguuvi.  
<sup>27</sup>Ní Jesucristo chi chiiduú  
ch'εete ca nguée canée chí dí<sup>n</sup> yā  
tan'dúucā taná<sup>n</sup>ā chiiduú n'gεete  
ca chi 'caa<sup>n</sup>nú<sup>n</sup> yā 'iiti nguuvi  
nguuvi cáávā nuu<sup>n</sup>ndi ye<sup>n</sup>e maá<sup>n</sup>  
yā ní cuayiivi cáávā nuu<sup>n</sup>ndi ye<sup>n</sup>e  
taná<sup>n</sup>ā ca 'i<sup>n</sup>yā<sup>n</sup>. Jesús mi<sup>n</sup> 'áámá  
vmné<sup>n</sup>ēe dí<sup>n</sup> yā chuū taachi nca'a  
vida ye<sup>n</sup>e maá<sup>n</sup> yā taachi ch'i<sup>n</sup> yā  
cáávā nuu<sup>n</sup>ndi ye<sup>n</sup>e yú. <sup>28</sup>Cáávā ley  
ye<sup>n</sup>e Moisés 'i<sup>n</sup>yā<sup>n</sup> i'née<sup>n</sup> yā chiiduú  
n'gεete ca chi 'i<sup>n</sup>yā<sup>n</sup> chi véé nuu<sup>n</sup>ndi  
ye<sup>n</sup>é yā. Chó'oo 'naa<sup>n</sup> tiempo ní  
cuayiivi ní Ndyuūs nga<sup>n</sup>á yā cáávā  
chi duuchi maá<sup>n</sup> yā chi daiyá yā ní  
chiiduú ch'εete ca chi dí<sup>n</sup> yā chii<sup>n</sup>  
chi Ndyuūs ne<sup>n</sup>é yā chi dí<sup>n</sup> yā. Ní  
'áámá cūnee yā cue<sup>n</sup>e daa<sup>n</sup>ma<sup>n</sup>.

### Jesucristo ní abogado ye<sup>n</sup>é táámá compromiso

**8** Chuū chi ca<sup>n</sup>a 'nū ní ch'εete  
ca ye<sup>n</sup>e tanducué<sup>n</sup>ē chi nga<sup>n</sup>á  
'nū chi 'tífcā. Chiiduú ch'εete ca  
ye<sup>n</sup>e yú chi Jesucristo ní veé yā ná  
va'ai cheeti nguuvi na lado ye<sup>n</sup>é  
honor ye<sup>n</sup>e trono ye<sup>n</sup>é Ndyuūs chí  
canée na va'ai cheeti nguuvi. <sup>2</sup>Ní

Jesucristo dí<sup>n</sup> yā ntii<sup>n</sup>nyu<sup>n</sup> ye<sup>n</sup>é  
chiiduú ch'εete ca na yaācū na  
va'ai ch'εete nguuvi chi cuaacu  
ní<sup>n</sup>nyú<sup>n</sup> chí ye<sup>n</sup>é Ndyuūs. Ní 'i<sup>n</sup>yā<sup>n</sup>  
s'ee<sup>n</sup> nguée din'dái yā yaācū mi<sup>n</sup> ti  
Señor Jesucristo maá<sup>n</sup> yā din'dái yā.  
<sup>3</sup>'I<sup>n</sup>yā<sup>n</sup> s'neé<sup>n</sup> yā ca'áámá ca'aama  
chiiduú ch'εete ca chi canée chí  
ca'á yā ofrenda ní 'caa<sup>n</sup>nú<sup>n</sup> yā 'iiti  
cáávā nuu<sup>n</sup>ndi ye<sup>n</sup>é 'i<sup>n</sup>yā<sup>n</sup>. Cáávā  
chuū Jesucristo canée chí véé ye<sup>n</sup>é  
yā chí cuuvi ca'a yā chí vida ye<sup>n</sup>e  
maá<sup>n</sup> yā. <sup>4</sup>Ní ndúú<sup>n</sup> chí Cristo  
mi<sup>n</sup> cunée yā i<sup>n</sup>'yee<sup>n</sup>dí 'cūū nguée  
cuuvi chiiduú yā caati véé chiiduú  
s'ee<sup>n</sup> chi nga'a yā ofrendas nanáá<sup>n</sup>  
Ndyuūs tan'dúucā chí nga<sup>n</sup>a ley  
ye<sup>n</sup>e Moisés. <sup>5</sup>Ní chiiduú s'ee<sup>n</sup> ní  
dí<sup>n</sup> yā ntii<sup>n</sup>nyu<sup>n</sup> ye<sup>n</sup>é yā ní dí<sup>n</sup> yā  
tan'dúucā ntii<sup>n</sup>nyu<sup>n</sup> ye<sup>n</sup>e yaācū chí  
canée na va'ai ch'εeti nguuvi. Deenú  
'nū chí dí<sup>n</sup> yā copiar ntii<sup>n</sup>nyu<sup>n</sup> ye<sup>n</sup>é  
Ndyuūs ti taachi Moisés ne<sup>n</sup>é yā  
din'dái yā yaācū chí va'ai tífínū<sup>n</sup>,  
Ndyuūs ca<sup>n</sup>a yā chí yā Moisés ní  
nga<sup>n</sup>a yā:

Dii, Moisés, candée ní cuidado  
ye<sup>n</sup>é tanducué<sup>n</sup>ē chí dí<sup>n</sup> di.  
Ní dí<sup>n</sup> di tan'dúucā chí chí<sup>n</sup>í  
dii taachi canee di na cuéé<sup>n</sup>.  
<sup>6</sup>Naati Cristo chí chiiduú  
ch'εete ca ye<sup>n</sup>e yú dí<sup>n</sup> yā  
ntii<sup>n</sup>nyu<sup>n</sup> chí ch'εete taavi ca  
nguée ti ye<sup>n</sup>e chíiduú n'gεete ca  
ye<sup>n</sup>é i<sup>n</sup>'yee<sup>n</sup>dí 'cūū caati Ndyuūs  
dí<sup>n</sup> yā compromiso chí Cristo  
canée yā naavta<sup>n</sup>ā ye<sup>n</sup>e 'i<sup>n</sup>yā<sup>n</sup>  
ye<sup>n</sup>e i<sup>n</sup>'yee<sup>n</sup>dí 'cūū ndúucū  
Ndyuūs. Maa<sup>n</sup> ní s'uuú<sup>n</sup> cuuvi  
ndaa yú nanáá<sup>n</sup> Ndyuūs cáávā  
Cristo mi<sup>n</sup>. Ní compromiso mi<sup>n</sup>  
ní ch'εete ca tí ye<sup>n</sup>e tanducué<sup>n</sup>ē  
chí n'daacā taavi ca.

<sup>7</sup>Ní nduuti chí compromiso chi vmnáá<sup>n</sup> vmnaa<sup>n</sup> chi ye<sup>n</sup>é Ndyuūs ní n'daacā taavi ca tuu'mi ní nguéé canee chí dí<sup>n</sup> yā ndiichí ndii 'úúví compromiso. <sup>8</sup>Naati Ndyuūs n'diichi yā chí nguéé n'daacā dí<sup>n</sup> 'ii<sup>n</sup>yā<sup>n</sup> tiempo chí 'āā chó'oo. Ní nga<sup>n</sup>á yā ngii yā 'ii<sup>n</sup>yā<sup>n</sup> s'ee<sup>n</sup> tan'dúúccā chí canéé nguū<sup>n</sup> na libro ye<sup>n</sup>é yā 'tíicā:

'Tíicā nga<sup>n</sup>a Señor: Tiempo chí cuchii 'úú ní dí<sup>n</sup> 'áámá compromiso ngaī ndúúccū 'ii<sup>n</sup>yā<sup>n</sup> ye<sup>n</sup>e ndaata Israel ní ndúúccū 'ii<sup>n</sup>yā<sup>n</sup> ye<sup>n</sup>e ndaata Judá.

<sup>9</sup>Nguεε idií<sup>n</sup> tan'dúúccā chí dí<sup>n</sup> ndúúccū chiidá yā taachi divíi 'ii<sup>n</sup>yā<sup>n</sup> ye<sup>n</sup>e yā<sup>n</sup>āa Egipto. 'Ii<sup>n</sup>yā<sup>n</sup> s'uu<sup>n</sup> nguéé dí<sup>n</sup> yā tan'dúúccā chí 'úú yaa'ví 'ii<sup>n</sup>yā<sup>n</sup> s'uu<sup>n</sup>. Ní cáāvā chuū nguéé dí<sup>n</sup> cuenta ye<sup>n</sup>é yā.

<sup>10</sup>Cuayiivi chí chó'oo nguuvi s'ee<sup>n</sup> ní maa<sup>n</sup> ní chuū chí compromiso ngaī chí ca<sup>n</sup>á dí<sup>n</sup> ndúúccū 'ii<sup>n</sup>yā<sup>n</sup> ye<sup>n</sup>e nación Israel. Nga<sup>n</sup>a Señor: Cu'neé<sup>n</sup> leyes ye<sup>n</sup>é na vaanicadínūu<sup>n</sup> ye<sup>n</sup>é yā ní dinguú<sup>n</sup> leyes ye<sup>n</sup>é na staava ye<sup>n</sup>é yā. Ní 'úú cuuvi Ndyuūs ye<sup>n</sup>é yā, ní 'ii<sup>n</sup>yā<sup>n</sup> s'ee<sup>n</sup> cuuvi 'ii<sup>n</sup>yā<sup>n</sup> ye<sup>n</sup>é.

<sup>11</sup>Ní mar 'áámá yā canee chí ca'cueé<sup>n</sup> yā 'ii<sup>n</sup>yā<sup>n</sup> ye<sup>n</sup>e nación ye<sup>n</sup>é yā 'tíicā. Ndís'tii n'diichi nī Señor mii<sup>n</sup>, caati nducyáácá yā ní n'diichi yā 'úú ndíí 'ii<sup>n</sup>yā<sup>n</sup> chí nga<sup>n</sup>ā ntií<sup>n</sup>nyú<sup>n</sup> yā ndii taná'ā 'ii<sup>n</sup>yā<sup>n</sup>.

<sup>12</sup>Ní 'úú ní nadach'εécú nuu<sup>n</sup>ndi chí dí<sup>n</sup> yā ní 'āā ntéé nn'gaacú nuu<sup>n</sup>ndi ye<sup>n</sup>é yā. <sup>13</sup>Ní Ndyuūs nga<sup>n</sup>a yā ye<sup>n</sup>e compromiso

chí ngai tí caati compromiso chí vmnáá<sup>n</sup> vmnaa<sup>n</sup> ní 'āā ndiicúu tuu'mi ní deenu yú chí dendú'ū chí 'āā ndiicúu ní 'āā nuú<sup>n</sup> 'cuiinu.

Ye<sup>n</sup>e yáacū na i<sup>n</sup>'yee<sup>n</sup>dí 'cūū ní ye<sup>n</sup>e yáacū na va'ai cheeti nguuvi

**9** Cuáácú chí véé reglas ye<sup>n</sup>e compromiso chí vmnáá<sup>n</sup> vmnaa<sup>n</sup> ndúúccū yaacū chí 'ii<sup>n</sup>yā<sup>n</sup> s'ee<sup>n</sup> din'dái yā naachi dich'εεte yā Ndyuūs. <sup>2</sup>Din'dái yā yaacū ye<sup>n</sup>e tíínūu<sup>n</sup> ndúúccū 'uuví cuartos. Cuarto chí vmnáá<sup>n</sup> vmnaa<sup>n</sup> ní nguuvi Lugar Dεεve. Ní cheeti cuarto mii<sup>n</sup> véé 'áámá candelero ndúúccū 'áámá mesa, ní vmnaa<sup>n</sup> mesa véé pan chí ofrenda ye<sup>n</sup>é Ndyuūs. <sup>3</sup>Ná cuarto chí yaānūu<sup>n</sup> táámá lado ye<sup>n</sup>e cortina ye<sup>n</sup>e tíínūu<sup>n</sup> nguuvi Lugar Dεεve N'dai Ca Ye<sup>n</sup>é Ndyuūs. <sup>4</sup>Na cuarto mii<sup>n</sup> véé 'áámá nátaī ye<sup>n</sup>e 'dii<sup>n</sup>nguāa<sup>n</sup> naachi chiiduú ch'εεte ca ngí<sup>n</sup>í yā cú<sup>n</sup>úyaa. Ní mí<sup>n</sup> canéé 'áámá caja chí ye<sup>n</sup>e compromiso. Nducué<sup>n</sup>ē lados ye<sup>n</sup>e caja mii<sup>n</sup> ní candúúu 'dii<sup>n</sup>nguāa<sup>n</sup> vmnáá<sup>n</sup> ye<sup>n</sup>e. Cheeti caja mii<sup>n</sup> véé chííté ye<sup>n</sup>e 'dii<sup>n</sup>nguāa<sup>n</sup> ní mii<sup>n</sup> snúū<sup>n</sup> pan chí nguuvi maná. Ní cheeti caja ntúū<sup>n</sup> canéé nduucu chí nanguaa<sup>n</sup>nu chí ye<sup>n</sup>e Aarón ndúúccū 'úúví tablas ye<sup>n</sup>é tuūu naachi canéé nguū<sup>n</sup> ley chí dí<sup>n</sup> Ndyuūs. <sup>5</sup>Vmnaa<sup>n</sup> caja mii<sup>n</sup> canéé 'uūví querubines tan'dúúccā ángeles ndúúccū ngεechí yā. Ní mii<sup>n</sup> Ndyuūs canéé yā. Ní canéé 'cutií ye<sup>n</sup>e ngεechí yā ye<sup>n</sup>e vmnaa<sup>n</sup> cuaa<sup>n</sup> naachi Ndyuūs nadich'εécú yā nuu<sup>n</sup>ndi ye<sup>n</sup>e nducyaaca 'ii<sup>n</sup>yā<sup>n</sup>. Maa<sup>n</sup> ní ye<sup>n</sup>é chuū nguéé cuuvi caa<sup>n</sup>má<sup>n</sup> ye<sup>n</sup>e tanducué<sup>n</sup>ē maa<sup>n</sup>.

<sup>6</sup>Tíicā chiiduú s'ee<sup>n</sup> idíí<sup>n</sup> yā nducué<sup>n</sup>ē. Nguuvi nguuvi chiiduú s'ee<sup>n</sup> ngé<sup>n</sup>e yā na cuarto vmnáá<sup>n</sup> vmaaa<sup>n</sup> ní díí<sup>n</sup> yā ntii<sup>n</sup>nyu<sup>n</sup> ye<sup>n</sup>é yaacū ye<sup>n</sup>é Ndyuūs. <sup>7</sup>Ní na cuarto chi yaānū<sup>n</sup> mii<sup>n</sup> chi ndii 'úúví dámaā<sup>n</sup> chiiduú ch'εεte ca indaá yā 'áámá vmane<sup>n</sup>éé nū<sup>n</sup> ca'áámá ca'áámá nduuyū. Ní canéé chí candéé yā yuūú<sup>n</sup> ye<sup>n</sup>e 'iiti chi ca'a yā ofrenda Ndyuūs cáávā nuu<sup>n</sup>ndi ye<sup>n</sup>é yā ní cáávā nuu<sup>n</sup>ndi ye<sup>n</sup>é taná<sup>n</sup>ā 'ii<sup>n</sup>yā<sup>n</sup>. <sup>8</sup>Espíritu N'dai ye<sup>n</sup>é Ndyuūs chí'í<sup>n</sup>í yā s'uúú<sup>n</sup> chí nguéé cuuvi ndaa yú nanáá<sup>n</sup> Ndyuūs né<sup>n</sup>é chí canéé yaacū ye<sup>n</sup>e tíínū<sup>n</sup> caati yaacu tíínū<sup>n</sup> mii<sup>n</sup> ní ye<sup>n</sup>e compromiso chí vmnáá<sup>n</sup> vmaaa<sup>n</sup>. <sup>9</sup>Ní nducué<sup>n</sup>ē chuū chí díí<sup>n</sup> chiiduú s'ee<sup>n</sup> ní canee tan'dúúca 'áámá ejemplo ye<sup>n</sup>é tiempo ye<sup>n</sup>e yú. Chiiduú s'ee<sup>n</sup> ní ca'a yā ofrendas nanáá<sup>n</sup> Ndyuūs ndúúcu 'iiti chí n'gii<sup>n</sup>nú<sup>n</sup> yā cáávā ofrendas ye<sup>n</sup>é nuu<sup>n</sup>ndi ye<sup>n</sup>é yā. Chuū ní ne<sup>n</sup>ē caa<sup>n</sup>ma<sup>n</sup> chí ofrendas ndúúcu 'iiti chí n'gii<sup>n</sup>nú<sup>n</sup> yā ní ca'a yā Ndyuūs nguéé cuuvi díí<sup>n</sup> chí staava ye<sup>n</sup>e 'ii<sup>n</sup>yā<sup>n</sup> s'ee<sup>n</sup> ní dεεve ne<sup>n</sup>e chí 'tíicā chí nga'a yā ofrendas nanáá<sup>n</sup> Ndyuūs. <sup>10</sup>'Ii<sup>n</sup>yā<sup>n</sup> s'ee<sup>n</sup> dich'εεtē yā Ndyuūs dámaā<sup>n</sup> ndúúcu cosas chí che'é yā ndúúcu cosas chí cu'u yā ndúúcu chii<sup>n</sup> chí díí<sup>n</sup> yā chí cuuvi dεεvé yā staava ye<sup>n</sup>é yā. Nducué<sup>n</sup>ē chuū ní reglas chí díí<sup>n</sup> yā ní canee chí díí<sup>n</sup> yā 'tíicā ndii tiempo chí Ndyuūs n'daa<sup>n</sup> yā dendu'ū ye<sup>n</sup>ē.

<sup>11</sup>Cristo ní 'āā ndāa yā i<sup>n</sup>'yee<sup>n</sup>dí 'cūū. Ní maa<sup>n</sup> ní Cristo mii<sup>n</sup> ní chiiduú ch'εεte ca ye<sup>n</sup>e dendú'ū chí n'dai taavi ca. Ní yaacū naachi Cristo díí<sup>n</sup> yā ntii<sup>n</sup>nyu<sup>n</sup> ní ch'εεte

taavi ca ní n'daacā ca nguéé ti yaacū ye<sup>n</sup>e tíínū<sup>n</sup> chí ye<sup>n</sup>é i<sup>n</sup>'yee<sup>n</sup>dí 'cūū. Ní 'ii<sup>n</sup>yā<sup>n</sup> s'ee<sup>n</sup> nguéé n'dái yā yaacū chí ch'εεte ca. <sup>12</sup>Ní Cristo ndāa yā cheeti yáacū ndíí cuarto yaānū<sup>n</sup> chí nguuvi Lugar Dεεve N'dai Ca Ye<sup>n</sup>é Ndyuūs. Nguéé sndéé yā ndúúcu yuuú<sup>n</sup> ye<sup>n</sup>e 'iiti chí chivo o daiyā vaca chí n'gii<sup>n</sup>nu<sup>n</sup> yā naati ndúúcu yuuú<sup>n</sup> ye<sup>n</sup>e maā<sup>n</sup> yā. Ní 'tíicā sndāa yā dámaā<sup>n</sup> 'aama vmane<sup>n</sup>ēe na Lugar Dεεve N'dai Ca Ye<sup>n</sup>é Ndyuūs cáávā nducyaaca 'ii<sup>n</sup>yā<sup>n</sup>. Ní maa<sup>n</sup> ní nadanguá<sup>n</sup>'ai yā s'uúú<sup>n</sup> chí cuuvi ye<sup>n</sup>é yā s'uúú<sup>n</sup> cue<sup>n</sup>e daā<sup>n</sup>ma<sup>n</sup>. <sup>13</sup>Cuáácú chí yuūū<sup>n</sup> ye<sup>n</sup>e itii<sup>n</sup>ndu ndúúcu yuūū<sup>n</sup> ye<sup>n</sup>e chí chivo ndúúcu yaiyāā ye<sup>n</sup>e daiya vaca chí 'āā ngiichi vmaaa<sup>n</sup> nátaí ní chiiduú s'ee<sup>n</sup> ch'lee<sup>n</sup> ndái yā vmaaa<sup>n</sup> 'ii<sup>n</sup>yā<sup>n</sup> chí véé nuu<sup>n</sup>ndi ye<sup>n</sup>é yā ti yuūú<sup>n</sup> cuuvi nadivεεve 'ii<sup>n</sup>yā<sup>n</sup> cáávā ley ye<sup>n</sup>é yā. <sup>14</sup>Ní chuū ní cuaacu. Maa<sup>n</sup> ní nééné n'daacā ca chí cuuvi díí<sup>n</sup> yuūú<sup>n</sup> ye<sup>n</sup>e Cristo nguéé ti yuūú<sup>n</sup> ye<sup>n</sup>é 'iiti. Cucáávā Espíritu N'dai ye<sup>n</sup>é Ndyuūs chí canduuchi cue<sup>n</sup>é daā<sup>n</sup>ma<sup>n</sup>, Cristo díí<sup>n</sup> yā ofrecer cuerpo ye<sup>n</sup>e maā<sup>n</sup> yā chí 'ii<sup>n</sup>yā<sup>n</sup> s'ee<sup>n</sup> 'caa<sup>n</sup>nú<sup>n</sup> yā yā cáávā ofrenda ye<sup>n</sup>é Ndyuūs, ofrenda chí n'daacā ye<sup>n</sup>ē. Ní yuūú<sup>n</sup> ye<sup>n</sup>e Cristo ní cuuvi didεεve staava ye<sup>n</sup>ē yú ye<sup>n</sup>e nducué<sup>n</sup>ē chí nadacadíínuu<sup>n</sup> yú chí nguéé n'daacā. Ní 'íicú cuuvi s'uúú<sup>n</sup> ní dichí'vē yú Ndyuūs chí canduuchi.

<sup>15</sup>Cáávā chí Jesucristo díí<sup>n</sup> yā 'áámá compromiso chí ngai, Jesucristo canéé yā naavtá<sup>n</sup>ā ye<sup>n</sup>e 'ii<sup>n</sup>yā<sup>n</sup> ye<sup>n</sup>e i<sup>n</sup>'yee<sup>n</sup>dí 'cūū ndúúcu Ndyuūs. Ní maa<sup>n</sup> ní cuuvi ndaa yú nanáá<sup>n</sup> Ndyuūs. Ní cáávā

chi ch'iī Cristo, Cristo ní cuuvi nadach'εεcú yā nuu"ndi ye"e 'ii"yā"n chi cuneé yā máá"n compromiso chi vmnáá"n vmnaa". Ní 'ii"yā"n chi Ndyuūs yaa'ví yā chi cuuvi ye"é yā, 'ii"yā"n s'ee"n cuuvi cuta'a yā chi cuuvi ye"é yā chi 'áámá cūnee chi Ndyuūs ca'á yā 'ii"yā"n cucáávā Cristo. <sup>16</sup>Taachí 'ii"yā"n s'nee"n yā escrito ye"e herencia ye"é yā chi ca"n a yā ca'a yā taamá yā, 'ii"yā"n mii"n canee chi 'cuūvi yā vmnáá"n vmnaa"n chi dichí'vē chii"n chi canéé nguū". Chuū ní tan'dúucā 'áámá compromiso chi dí"n yā. <sup>17</sup>'ii"yā"n chi s'nee"n escrito ye"e herencia ye"é yā chi ca"n á yā ca'a yā taama yā, nguéé dichí'vē escrito ye"é yā ne"e tiempo chi canduuchí yā. Naati taachi 'āā n'dii yā tuu'mi ní dichí'vē chuū. Ní tan'dúucā 'áámá compromiso chi dí"n yā 'tíicā escrito mii". <sup>18</sup>Ní 'tíicā chí"n chi dichí'vē compromiso chi dii"n Ndyuūs vmnáá"n vmnaa"n nduuti chi véé yuūú"n ti ch'ii"n nū"n yā 'iiti. <sup>19</sup>Moisés ca"n a sa chii sá nducyaaca mandamiento ye"e ley. Cuayiivi ní 'ii"yā"n caa"n nū"n yā 'iiti ní Moisés sta'a sa yuūú"n ye"e daiya vaca ndúucū yuūú"n ye"e chivo ní ndásta"n a sa nuū"n nī"n ndúucū yuūú". Cuayiivi ní sta'á sa yuūú"n ndúucū duūdū 'iiti' cuūchi ndúucū 'áámá yaatā chi duuchi hisopo. Ní s'neé"n yā yuūú"n vmnaa"n libro ye"e ley ní vmnaa"n ye"e nducyaaca 'ii"yā"n dendú'ū. <sup>20</sup>Ní nga"n á Moisés 'tíicā: Chuū ní yuūú"n chí 'áámá sello ye"e chí cuuvi cuaacu compromiso chi Ndyuūs ca'a yā orden chi ndí'stíi canee chí dí"n nī 'tíicā. <sup>21</sup>'Tiicā ntúū"n Moisés s'nee"n sa yuūú"n mii"n vmnaa"n ye"e

yaācū ye"e tíinū"n ní vmnaa"n ye"e tanducué"ē dendu'ū chí itunee"n na nti"nyu"n ye"é Ndyuūs. <sup>22</sup>Cuaacu chi tan'dúucā chí nga"n ā ley 'téé 'téé nguéé nducué"ē ní yuūú"n dii"n chí canéé deēve nducué"ē. Ní Ndyuūs nguéé nadich'εεcú yā 'ii"yā"n ye"e nuu"ndi ye"é yā nduuti chí nguéé ndúucū yuūú"n ye"e 'iiti chí 'caa"n nū"n chiiduú s'ee".

**Jesucristo ca'á yā maa"n cuerpo ye"é yā chí 'ii"yā"n s'ee"n 'caa"n nū"n yā 'yā lado ye"e ofrenda**

<sup>23</sup>'Tíicā nducué"ē dendú'ū ye"e i"yee"n dí' cūū canéé chí ndúúvī deēve ndúucū yuūú"n ye"e 'iiti. 'Téé 'téé nduuvi deēve tan'dúucā deēve na va'ai chēeti nguuvi. 'Tiicā ntúū"n cuuvi ndaa yú na va'ai chēeti nguuvi nduuti chí deēve yú ndúucū yuūú"n ye"e táámá yā chí Cristo chí ch'ēete taavi ca nguéé ti ndúucū yuūú"n ye"e 'iiti. <sup>24</sup>Cristo nguéé cue"é yā sndaa yā na 'áámá yaacū chí deēve taavi ca chí nin'dái sa"n ā ye"e i"yee"n dí' cūū. Yaācū ye"e i"yee"n dí' cūū 'tēé 'téé tan'dúucā yaācū chí deēve taavi ca chí cuaacu ní"nyú"n chí yaācū ye"é Ndyuūs. Cristo cue"é yā sndaa yā na va'ai chēeti nguuvi ní mii"n canee yā nanáá"n Ndyuūs lado ye"e s'uuú". <sup>25</sup>Sa"n ā chiiduú ch'ēete ca ye"e i"yee"n dí' cūū chí ye"e ndaata judíos chí Israel nduuyu nduuyu ndaa yā na Lugar Deēve N'dai Ca ndí' ná yaānū"n ye"e yaācū ye"e Ndyuūs ní ca'á yā Ndyuūs ofrenda chí yuūú"n ye"e 'iiti, ní nguéé yuūú"n ye"é yā chí ca'a yā. Naati Cristo ca'á yā vida ye"e maá"n yā caavā ofrenda 'áámá vmne"éé nū"n. <sup>26</sup>Nduuti chí Cristo



canee chi dií<sup>n</sup> yā tan'dúucā chi idií<sup>n</sup> chiiduú ch'ēete ca tuu'mi ní canéé chi 'cuūvi yā n'deeē n'dái cuuvi ndíí tiempo chi Ndyuūs din'dái yā i<sup>n</sup>'yee<sup>n</sup>dí 'cūū ndíí chi 'cuiinū í<sup>n</sup>'yee<sup>n</sup>dí. Naati nguéeé dií<sup>n</sup> Cristo 'tíicā. Caati tiempo chi Ndyuūs s'neé<sup>n</sup> yā ní Jesucristo 'áámá vmne<sup>n</sup>'éē nū<sup>n</sup> ch'ií yā ní ndāa yā nanáá<sup>n</sup> Ndyuūs chi nadach'ēecú yā nuu<sup>n</sup>ndi ye<sup>n</sup>'ē nducyaaca 'ii<sup>n</sup>'yā<sup>n</sup> cucáávā chi ca'a maá<sup>n</sup> yā cuerpo ye<sup>n</sup>'é yā chi 'ii<sup>n</sup>'yā<sup>n</sup> s'ee<sup>n</sup> n'gii<sup>n</sup>'nú<sup>n</sup> yā 'yā cáávā ofrenda. <sup>27</sup>Tiicā ntúū<sup>n</sup> nducyaaca 'ii<sup>n</sup>'yā<sup>n</sup> ye<sup>n</sup>'e i<sup>n</sup>'yee<sup>n</sup>dí 'cūū canee chi 'cuūvi yā 'áámá vmné<sup>n</sup>'ēē. Níicú cuayivi ní Cristo ca<sup>n</sup>'á yā n'diichí yā nuu<sup>n</sup>ndi ye<sup>n</sup>'e 'ii<sup>n</sup>'yā<sup>n</sup> s'ee<sup>n</sup>. <sup>28</sup>Ní 'tíicā Cristo 'áámá vmné<sup>n</sup>'ēē ca'á yā cuerpo ye<sup>n</sup>'e maá<sup>n</sup> yā cáávā ofrenda chi nadich'ēecú yā nuu<sup>n</sup>ndi ye<sup>n</sup>'e nducyaaca 'ii<sup>n</sup>'yā<sup>n</sup>. Ní taachi ca<sup>n</sup>'á yā ndaa yā taama vmné<sup>n</sup>'ēē nguéeé ndaa yā cucáávā chi ca<sup>n</sup>'á yā nadíí've yā nuu<sup>n</sup>ndi ye<sup>n</sup>'e nducyaaca 'ii<sup>n</sup>'yā<sup>n</sup>. Naati ca<sup>n</sup>'á yā nadanguá<sup>n</sup>'ai yā nducyaaca s'uuú<sup>n</sup> chi canéé ngiinu yú chi ndaa yā ndiichi ndii 'úúví cuuvi. Ndaa yā chi nadanguá<sup>n</sup>'ai yā s'uuú<sup>n</sup>.

**10** Ní ley ye<sup>n</sup>'e Moisés ní tan'dúucā 'daa<sup>n</sup>'nú nū<sup>n</sup> 'tíicā ti nguéeé 'áámá cūnee. Ní nguéeé dáámá dáámá ndúucū nducue<sup>n</sup>'ē vaadí cuaacu chi n'daacā chi cuchíi. Ti cáávā chi nga<sup>n</sup>'a ley mii<sup>n</sup> 'ii<sup>n</sup>'yā<sup>n</sup> s'ee<sup>n</sup> nduuyu nduuyu 'caa<sup>n</sup>'nú<sup>n</sup> yā 'iiti cáávā ofrenda cucáávā nuu<sup>n</sup>ndi ye<sup>n</sup>'é yā. Ní cáávā chuū, 'táácā cuuvi ley mii<sup>n</sup> dii<sup>n</sup> chi 'ii<sup>n</sup>'yā<sup>n</sup> s'ee<sup>n</sup> canéé n'daaca yā nanáá<sup>n</sup> Ndyuūs? <sup>2</sup>Ti nduuti chi ley mii<sup>n</sup> dii<sup>n</sup> chi 'ii<sup>n</sup>'yā<sup>n</sup> s'ee<sup>n</sup> canee n'daaca yā nanáá<sup>n</sup>

Ndyuūs ní nguéeé nuu<sup>n</sup>ndi ye<sup>n</sup>'é yā nanáá<sup>n</sup> Ndyuūs, tuu'mi ní 'āā ntéé 'caa<sup>n</sup>'nú<sup>n</sup> yā 'iiti cáávā nuu<sup>n</sup>ndi ye<sup>n</sup>'é yā. Ní nguéeé nadacadífnuu<sup>n</sup> yā ye<sup>n</sup>'e chí chidēevé yā ye<sup>n</sup>'e nuu<sup>n</sup>ndi ye<sup>n</sup>'é yā. <sup>3</sup>Ní 'tíicā dii<sup>n</sup> ley mii<sup>n</sup>. Taachi n'gii<sup>n</sup>'nú<sup>n</sup> yā 'iiti nduuyu nduuyu tuu'mi ní nan'gáácú yā ye<sup>n</sup>'e nuu<sup>n</sup>ndi ye<sup>n</sup>'é yā. <sup>4</sup>Ti ndúucū yuūú<sup>n</sup> ye<sup>n</sup>'e 'itííndú ndúucū yuūú<sup>n</sup> ye<sup>n</sup>'e chivo 'ii<sup>n</sup>'yā<sup>n</sup> s'ee<sup>n</sup> nguéeé cuuvi didēevé yā ye<sup>n</sup>'e nuu<sup>n</sup>ndi ye<sup>n</sup>'é yā.

<sup>5</sup>Ní cucáávā chuū taachi ndaa Cristo na i<sup>n</sup>'yee<sup>n</sup>dí 'cūū nga<sup>n</sup>'á yā ngíi yā ye<sup>n</sup>'e nduudu ye<sup>n</sup>'é Ndyuūs chi canéé nguū<sup>n</sup> 'tíicā:

Díí, Ndyuūs, nguéeé ne<sup>n</sup>'e di chi 'ii<sup>n</sup>'yā<sup>n</sup> 'caa<sup>n</sup>'nu<sup>n</sup> yā 'iiti lado ye<sup>n</sup>'e ofrenda ndíí nguéeé ndúú chi ca'á yā 'iiti cáávā ofrenda ye<sup>n</sup>'e di naati din'dái di 'áámá cuerpo ye<sup>n</sup>'é chi ch'iindiyaá<sup>n</sup>.

<sup>6</sup>Ní nguéeé ne<sup>n</sup>'e di ofrendas ye<sup>n</sup>'e chi nguuchí yā cuerpo ye<sup>n</sup>'e 'iiti nátaí, ní nguéeé ye<sup>n</sup>'e chi 'caa<sup>n</sup>'nú<sup>n</sup> yā 'iiti cáávā chi Ndyuūs nadach'ēecú yā nuu<sup>n</sup>ndi ye<sup>n</sup>'é yā.

<sup>7</sup>Dii Ndyuūs, 'úú ndaa i<sup>n</sup>'yee<sup>n</sup>dí 'cūū chi cuuvi díí<sup>n</sup> cheē chi ne<sup>n</sup>'e di chi díí<sup>n</sup> caati 'tíicā canéé nguū<sup>n</sup> ye<sup>n</sup>'e 'úú na libro ye<sup>n</sup>'e Ndyuūs naachi canéé nguū<sup>n</sup> ley. <sup>8</sup>Vmnaá<sup>n</sup> vmnaa<sup>n</sup> nga<sup>n</sup>'a Cristo: Dii Ndyuūs nguéeé ne<sup>n</sup>'e di ní nguéeé yeenú di ndúucū ofrendas ye<sup>n</sup>'e chi n'gii<sup>n</sup>'nú<sup>n</sup> yā 'iiti, ní nguéeé ye<sup>n</sup>'e 'iiti chi tee yā dii. Ndíí nguéeé ndúú ye<sup>n</sup>'e chi n'gii<sup>n</sup>'nú<sup>n</sup> yā 'iiti ní ngiichí yā yuūtē ye<sup>n</sup>'e 'iiti cáávā chi nadach'ēecú di nuu<sup>n</sup>ndi

ye<sup>n</sup>é yā. 'Tíicā nga<sup>n</sup>a Cristo 'áará chí 'ii<sup>n</sup>yā<sup>n</sup> s'ee<sup>n</sup> díí<sup>n</sup> yā tan'dúucā chí nga<sup>n</sup>a ley mií<sup>n</sup> ye<sup>n</sup>é ofrenda chí canéé chí ca'á yā Ndyuūs. <sup>9</sup>Ní cuayiivi nga<sup>n</sup>á Cristo: Dii, Ndyuūs, 'úú ndaá na i<sup>n</sup>yee<sup>n</sup>dí 'cūū chí cuuvi díí<sup>n</sup> cheē chí ne<sup>n</sup>e di chí díí<sup>n</sup>. Maa<sup>n</sup> ní nducué<sup>n</sup>ē chuū ne<sup>n</sup>e caa<sup>n</sup>ma<sup>n</sup> 'tíicā. Ndyuūs divíí yā 'áámá lado ofrenda ye<sup>n</sup>e 'iiti chí 'ii<sup>n</sup>yā<sup>n</sup> s'ee<sup>n</sup> ch'ii<sup>n</sup>nú<sup>n</sup> yā. Ní na lugar ye<sup>n</sup>e ofrenda mií<sup>n</sup> Ndyuūs ca'á yā Cristo chí ch'ii yā. <sup>10</sup>Maa<sup>n</sup> ní Ndyuūs didēévē yā s'uuú<sup>n</sup> cáávā Jesucristo díí<sup>n</sup> yā nducué<sup>n</sup>ē chí Ndyuūs ne<sup>n</sup>é yā chí dií<sup>n</sup> yā. Ní 'áámá vmné<sup>n</sup>ee nū<sup>n</sup> Jesucristo ca'á yā cuerpo ye<sup>n</sup>e maá<sup>n</sup> yā cáávā ofrenda chí 'ii<sup>n</sup>yā<sup>n</sup> s'ee<sup>n</sup> n'gii<sup>n</sup>nú<sup>n</sup> yā 'yā cáávā nuu<sup>n</sup>ndi ye<sup>n</sup>e nducyáácá 'ii<sup>n</sup>yā<sup>n</sup>.

<sup>11</sup>Ca'áámá cā'aama chiidūū judío chí Israel nguuví nguuví díí<sup>n</sup> yā ntii<sup>n</sup>nyu<sup>n</sup> ní cheendii yā ní nga'á yā ofrenda dáámá daama nū<sup>n</sup> nééné n'deēe cuúví 'áará chí ofrenda mií<sup>n</sup> chí n'gii<sup>n</sup>nú<sup>n</sup> yā 'iiti nguéé cuuvi divíí nuu<sup>n</sup>ndi ye<sup>n</sup>e 'ii<sup>n</sup>yā<sup>n</sup> mar 'áámá vmné<sup>n</sup>ee. <sup>12</sup>Naati Jesucristo 'áámá vmné<sup>n</sup>ee nū<sup>n</sup> ca'á yā maa<sup>n</sup> cuerpo ye<sup>n</sup>é yā chí 'ii<sup>n</sup>yā<sup>n</sup> s'ee<sup>n</sup> n'gii<sup>n</sup>nú<sup>n</sup> yā 'yā caavā ofrenda ye<sup>n</sup>e nuu<sup>n</sup>ndi ye<sup>n</sup>e nducyáácá 'ii<sup>n</sup>yā<sup>n</sup>. Ní cuayiivi cue<sup>n</sup>é yā na va'ai chēeti nguuví ní ch'iindí yā na lado ye<sup>n</sup>e honor ye<sup>n</sup>é Ndyuūs chí lado tá cuaacu. <sup>13</sup>Maa<sup>n</sup> ní Jesucristo canee ngiinú yā chí ndaa tiempo chí Ndyuūs idíí<sup>n</sup> yā chí nducyaaca 'ii<sup>n</sup>yā<sup>n</sup> chí contra ye<sup>n</sup>é yā canéé

yā maa<sup>n</sup> ca'á Jesucristo tan'dúucā chí 'áámá banco 'líí<sup>n</sup> 'tiicá yā chí Jesucristo cuchéé yā ye<sup>n</sup>e yā. <sup>14</sup>Ní cáávā chí Cristo ca'á yā cuerpo ye<sup>n</sup>e maá<sup>n</sup> yā chí 'ii<sup>n</sup>yā<sup>n</sup> s'ee<sup>n</sup> n'gii<sup>n</sup>nú<sup>n</sup> yā 'yā 'áámá vmné<sup>n</sup>ee nū<sup>n</sup> cáávā ofrenda tuu'mi ní Cristo díí<sup>n</sup> yā chí dáámá cuuvi deévē 'ii<sup>n</sup>yā<sup>n</sup> ti nadach'ēecú yā nuu<sup>n</sup>ndi ye<sup>n</sup>é yā. Ní 'ii<sup>n</sup>yā<sup>n</sup> s'ee<sup>n</sup> ní ye<sup>n</sup>e Ndyuūs cue<sup>n</sup>e daa<sup>n</sup>ma<sup>n</sup>. <sup>15</sup>Ní Espíritu N'dai ye<sup>n</sup>é Ndyuūs nga<sup>n</sup>a ndúucu yú chí nducué<sup>n</sup>ē chuū ní cuaacu. Vmnáá<sup>n</sup> vmnaa<sup>n</sup> nga<sup>n</sup>a Ndyuūs chuū:

<sup>16</sup>Chuū chí díí<sup>n</sup> prometer chí díí<sup>n</sup> caavā yā cuayiivi chí ch'ó'oo nguuví s'ee<sup>n</sup>, nga<sup>n</sup>a Ndyuūs. Cu'neé<sup>n</sup> ley ye<sup>n</sup>é na staava ye<sup>n</sup>é yā. Ní dinguú<sup>n</sup> ley ye<sup>n</sup>é na vaanicadínū<sup>n</sup> ye<sup>n</sup>é yā.

<sup>17</sup>Ní cuayiivi nga<sup>n</sup>á yā: 'Āā ntéé nan'gaacú nuu<sup>n</sup>ndi ye<sup>n</sup>é yā ní nguéé nducué<sup>n</sup>ē chí díí<sup>n</sup> yā chí nguéé n'daacā. <sup>18</sup>Níicú taachi Ndyuūs nadich'ēecú yā nuu<sup>n</sup>ndi ye<sup>n</sup>é 'ii<sup>n</sup>yā<sup>n</sup> s'ee<sup>n</sup> tuu'mi ní 'āā ntéé canéé chí ca'á yā ofrendas chí 'caa<sup>n</sup>nú<sup>n</sup> yā 'iiti cáávā nuu<sup>n</sup>ndi ye<sup>n</sup>e yā.

#### Canéé chí nan'gaacu yú ye<sup>n</sup>e Ndyuūs ye<sup>n</sup>e yú

<sup>19</sup>'Tíicā ní hermanos ye<sup>n</sup>é maa<sup>n</sup> ní cuuvi nandaa yú nanáá<sup>n</sup> Ndyuūs na cuarto chí Dēeve N'dai Ca na yaacū ye<sup>n</sup>é Ndyuūs ti véé 'viich'ēetínū<sup>n</sup> ye<sup>n</sup>é yú nanáá<sup>n</sup> Ndyuūs cáávā yuúú<sup>n</sup> ye<sup>n</sup>e Señor Jesucristo. <sup>20</sup>Ní Jesucristo nn'guaa<sup>n</sup> yā 'áámá yúúí chí n'dai ní canduuchi taachi chíí ntee<sup>n</sup> yā tীনū<sup>n</sup> ye<sup>n</sup>e yaacū. Tীনū<sup>n</sup> mií<sup>n</sup> ní ne<sup>n</sup>e caa<sup>n</sup>ma<sup>n</sup> chí tan'dúucā cuerpo ye<sup>n</sup>e maá<sup>n</sup> Cristo taachí ch'ii

yā, 'tíicā va. Maa<sup>n</sup> ní cuuvi ndaa yú na cuarto chi yaānuu<sup>n</sup> nanáá<sup>n</sup> Ndyuūs caavá yā. <sup>21</sup>Ní Jesucristo ní chiiduú ch'etete ca ye<sup>n</sup>e yú ní díí<sup>n</sup> yā ntii<sup>n</sup>nyu<sup>n</sup> ye<sup>n</sup>e yaācū ye<sup>n</sup>e Ndyuūs. <sup>22</sup>Maa<sup>n</sup> ní canéé chí indaa yú nanáá<sup>n</sup> Ndyuūs ndúúcu núú<sup>n</sup>má<sup>n</sup> staava ye<sup>n</sup>e yú ní 'áámá canee yú ndúúcu chí i'téenu yú. Cristo mii<sup>n</sup> 'āā didēevé yā staava ye<sup>n</sup>e yú ye<sup>n</sup>e nuu<sup>n</sup>ndi ye<sup>n</sup>e yú caati nguéé nadacadínuu<sup>n</sup> ca yú ye<sup>n</sup>e castigo ye<sup>n</sup>e nuu<sup>n</sup>ndi chí díi<sup>n</sup> yú. Ní nadidēeve yā cuerpo ye<sup>n</sup>e yú ndúúcu nuū<sup>n</sup>nī<sup>n</sup> dēeve. <sup>23</sup>Maa<sup>n</sup> ní díi<sup>n</sup> yú chí 'áámá canee yú ndúúcu chí nga<sup>n</sup>a yú chí i'téenu yú caati deenu yú chí Ndyuūs ca<sup>n</sup>á yā díi<sup>n</sup> yā cumplir compromiso ye<sup>n</sup>e chí ca<sup>n</sup>a yā chí tée yā s'uuú<sup>n</sup>. <sup>24</sup>Ní s'uuú<sup>n</sup> canéé chí inadacadínuu<sup>n</sup> yú táacā cuuvi cunnee yú 'aama yú taama yú ní díi<sup>n</sup> yú dendu'ū chí n'daacā. <sup>25</sup>Ní nguéé díi<sup>n</sup> yú chí nguéé nduuvidaama yú ch'etii yaācū tan'dúucā chí díi<sup>n</sup> ná<sup>n</sup>a yā. Naati ca'a yú consejo 'aama yú taama yú caati deenu yú chí nguuvi chí ndaa Cristo taama vmné<sup>n</sup>ēe 'āā snee nii<sup>n</sup>nuú<sup>n</sup>.

<sup>26</sup>Ní nduuti chí idií<sup>n</sup> yú nuu<sup>n</sup>ndi caati maa<sup>n</sup> yú ne<sup>n</sup>e yú cuayiivi chí 'āā deenu yú nduudu cuaacu ye<sup>n</sup>e Ndyuūs tuu<sup>n</sup>mi ní 'āā ntee véé taama ofrenda chí cuuvi ca'a yú Ndyuūs cáavā nuu<sup>n</sup>ndi ye<sup>n</sup>e yú chí Ndyuūs divíi yā nuu<sup>n</sup>ndi ye<sup>n</sup>e yú. <sup>27</sup>Dámaā<sup>n</sup> 'va'a yú ne<sup>n</sup>e chí cunee ngiinu yú ye<sup>n</sup>e chí cuchii. Cristo ca<sup>n</sup>á yā n'diichi yā nuu<sup>n</sup>ndi ye<sup>n</sup>e yú ní ndúúcu ya<sup>n</sup>ā ingiichi chí cuucu tanducué<sup>n</sup>e 'ii<sup>n</sup>yā<sup>n</sup> chí contra ye<sup>n</sup>e

Ndyuūs. <sup>28</sup>Deenu yú ye<sup>n</sup>e 'ii<sup>n</sup>yā<sup>n</sup> chí nguéé díi<sup>n</sup> yā cuenta ye<sup>n</sup>e ley ye<sup>n</sup>e Moisés. Nduuti chí véé 'uuví o 'iinū 'ii<sup>n</sup>yā<sup>n</sup> chí nga<sup>n</sup>a nduudu cuaacu ye<sup>n</sup>e falta ye<sup>n</sup>e yā tuu<sup>n</sup>mi ní chíi 'ii<sup>n</sup>yā<sup>n</sup> mii<sup>n</sup>. Ní nguéé ya'ai 'ii<sup>n</sup>yā<sup>n</sup> s'ee<sup>n</sup> taachi chíi yā.

<sup>29</sup>Maa<sup>n</sup> ní nadacadínuu<sup>n</sup> yú ye<sup>n</sup>e 'ii<sup>n</sup>yā<sup>n</sup> s'ee<sup>n</sup> chí nguéé díi<sup>n</sup> yā cuenta ye<sup>n</sup>e yuúú<sup>n</sup> ye<sup>n</sup>e Cristo chí cuuvi dēeve 'ii<sup>n</sup>yā<sup>n</sup> s'ee<sup>n</sup>. 'Ii<sup>n</sup>yā<sup>n</sup> s'ee<sup>n</sup> nga<sup>n</sup>a taā<sup>n</sup> yā ye<sup>n</sup>e Espíritu N'dai ye<sup>n</sup>e Ndyuūs. ¿De'ē chúucā n'dee ca castigo véé ye<sup>n</sup>e 'ii<sup>n</sup>yā<sup>n</sup> s'ee<sup>n</sup>?

<sup>30</sup>Deenu yú chí Señor ní nga<sup>n</sup>a yā 'tíicā: 'Úú canéé chí ca'á castigo 'ii<sup>n</sup>yā<sup>n</sup>. 'Úú idií<sup>n</sup> chí 'ii<sup>n</sup>yā<sup>n</sup> nadíi've yā chíi chí díi<sup>n</sup> yā chí nguéé n'daacā. Chuū dendu'ū nga<sup>n</sup>a Señor mii<sup>n</sup>: Señor mii<sup>n</sup> ca<sup>n</sup>á yā n'diichi yā nuu<sup>n</sup>ndi ye<sup>n</sup>e 'ii<sup>n</sup>yā<sup>n</sup> ye<sup>n</sup>e yā. <sup>31</sup>De'ē chúucā ya'āi ye<sup>n</sup>e yú. Néené 'va'a yú chí ndaa yú nanáá<sup>n</sup> Ndyuūs chí cānduuchi chí díi<sup>n</sup> yā castigar s'uuú<sup>n</sup> nduuti chí nguéé n'daacā idií<sup>n</sup> yú.

<sup>32</sup>Maa<sup>n</sup> ní n'gaacú ní ye<sup>n</sup>e nguuvi s'ee<sup>n</sup> chí 'āā chó'oo chí caama n'diichí ní s'téenu ní Jesucristo, ní cuayiivi chí ch'ee ní ch'eenú ní chíi ye<sup>n</sup>e tanducué<sup>n</sup>e dendu'ū cucáavā chí díi<sup>n</sup> ní luchar ye<sup>n</sup>e chí i'téenu ní. <sup>33</sup>Ná<sup>n</sup>a ní ch'eenú ní chíi ní 'cuináa<sup>n</sup> ní taachi 'ii<sup>n</sup>yā<sup>n</sup> sta'á yā ndís'tii ní nga<sup>n</sup>a taā<sup>n</sup> yā ye<sup>n</sup>e ndís'tii ní ch'e<sup>n</sup>e yā ndís'tii nanáá<sup>n</sup> n'dee n'dáí 'ii<sup>n</sup>yā<sup>n</sup>. Ní taachi 'tíicā díi<sup>n</sup> yā ndúúcu ná<sup>n</sup>ā hermanos ye<sup>n</sup>e yú ne<sup>n</sup>e ní 'cuenú ní cuuvi nduucú yā. <sup>34</sup>Ní taachi ná<sup>n</sup>ā hermanos ch'eenú yā chíi chí canéé yā vácū, ndís'tii ní ya'ái ní hermanos s'ee<sup>n</sup>. Ní taachi 'ii<sup>n</sup>yā<sup>n</sup> sta'á yā nducué<sup>n</sup>e chí véé ye<sup>n</sup>e ní ndís'tii ní chichee ní

ye<sup>n</sup>e nducué<sup>n</sup>ē. Ní yeenú nī caati deenú nī chí véé chí cuuvi ye<sup>n</sup>é nī chí n'dai taavi ca ná va'ai cheeti nguuvi chí cue<sup>n</sup>e daā<sup>n</sup>ma<sup>n</sup> 'áámá cūnee ye<sup>n</sup>e nī. <sup>35</sup>Maa<sup>n</sup> ní nguéeé dí'vaachí nī ti nguéeé véé confianza ye<sup>n</sup>é nī ndúucū Ndyuūs caati ndúucū chí i'téenu nī cuuvi díf<sup>n</sup> nī ganar cosas chí n'daacā taavi ca. <sup>36</sup>Ní ndís'tií ní canéeé chí cuhéé nī ye<sup>n</sup>e nducué<sup>n</sup>ē ní díf<sup>n</sup> nī nducué<sup>n</sup>ē chí Ndyuūs ne<sup>n</sup>é yā chí díf<sup>n</sup> nī. Ní 'íicú cuuvi cuta'á nī ye<sup>n</sup>e chí véé ye<sup>n</sup>é nī chí Ndyuūs ca<sup>n</sup>a yā chí tée yā ndís'tií. <sup>37</sup>Canéeé nguū<sup>n</sup> na libro ye<sup>n</sup>é Ndyuūs 'tíicā:

'Āā ntee 'náá<sup>n</sup> tiempo ní Señor chí canéeé chí ndaa ní ndaa yā. Ní 'āā ntéeé cuuví 'náá<sup>n</sup> yā.

<sup>38</sup>Ní nga<sup>n</sup>a yā 'tíicā:

'Ii<sup>n</sup>'yā<sup>n</sup> chí ye<sup>n</sup>é ní deevé yā tí i'téenu yā 'úú ní canduuchí yā cue<sup>n</sup>e daā<sup>n</sup>ma<sup>n</sup>. Ní nduuti chí 'aama yā ndaacadaamí yā ye<sup>n</sup>é tuu'mi ní 'úú nguéeé yeenú ye<sup>n</sup>e yā. <sup>39</sup>Maa<sup>n</sup> ní s'uúú<sup>n</sup> ní nguéeé tan'dúucā 'ii<sup>n</sup>'yā<sup>n</sup> chí ndaacadaamí yā ye<sup>n</sup>e Cristo ní chindai yā. Nguéeé 'tíicā s'uúú<sup>n</sup>. S'uúú<sup>n</sup> ní i'téenu yú Cristo ní Cristo nadanguá<sup>n</sup>ai yā s'uúú<sup>n</sup>.

**Ye<sup>n</sup>e chí i'teenu yú Jesucristo**

**11** Cáávā chí i'teenu yú Ndyuūs deenu yú chí seguro chí cuta'a yú ye<sup>n</sup>é chí canee ngiinu yú. Ní deenu yú chí cuuvi cuaacu ye<sup>n</sup>e dendu'ū chí nguéeé inaa<sup>n</sup> yú. <sup>2</sup>Ní tiempo chí 'āā chó'oo 'ii<sup>n</sup>'yā<sup>n</sup> nga<sup>n</sup>á yā chí 'ii<sup>n</sup>'yā<sup>n</sup> chí díf<sup>n</sup> yā ntii<sup>n</sup>'nyu<sup>n</sup> ye<sup>n</sup>e Ndyuūs ní n'dáaca yā nanáá<sup>n</sup> Ndyuūs ti i'téenu yā Ndyuūs.

<sup>3</sup>Ní deenu yú cucáávā chí i'teenu yú Ndyuūs, chí chíi<sup>n</sup> chí inaa<sup>n</sup> yú ní cáávā chí Ndyuūs din'dái yā í<sup>n</sup>'yee<sup>n</sup>di ní nguéeé de'ē vee.

<sup>4</sup>Ní cáávā chí sa<sup>n</sup>ā Abel ní i'téenu sa Ndyuūs, ca'a sa 'áámá ofrenda chí n'daacā ca nguéeé ti sa<sup>n</sup>a Caín mii<sup>n</sup>. Ní Ndyuūs n'diichí yā chí ofrenda ye<sup>n</sup>e Abel mii<sup>n</sup> ní n'daacā ca ní sta'á yā ofrenda mii<sup>n</sup>. Ní Ndyuūs n'diichí yā chí Abel ní n'daacā sa. Ní cáávā chí Abel i'téenu sa Ndyuūs 'áará chí chíi<sup>n</sup> sa<sup>n</sup>ā mii<sup>n</sup> ndíí maa<sup>n</sup> ní nga<sup>n</sup>a 'ii<sup>n</sup>'yā<sup>n</sup> ye<sup>n</sup>e vaadi i'téenu ye<sup>n</sup>é sa.

<sup>5</sup>Cáávā chí sa<sup>n</sup>ā Enoc i'téenu sa Ndyuūs, nguéeé chíi<sup>n</sup> sa ti Ndyuūs candéeé yā sa<sup>n</sup>ā mii<sup>n</sup> na va'ai cheeti nguuvi. 'Ii<sup>n</sup>'yā<sup>n</sup> ye<sup>n</sup>é yā 'āā ntéeé ndaacá yā sa<sup>n</sup>ā mii<sup>n</sup> ti Ndyuūs candéeé yā sa<sup>n</sup>ā mii<sup>n</sup> nduucú yā. Canéeé nguū<sup>n</sup> na libro ye<sup>n</sup>e Ndyuūs 'tíicā: Taachi 'āā cuéeé candéeé Ndyuūs sa<sup>n</sup>ā mii<sup>n</sup>, Ndyuūs canee yiinú yā chí idii<sup>n</sup> sa. <sup>6</sup>Mar 'áámá 'ii<sup>n</sup>'yā<sup>n</sup> nduuti chí nguéeé i'téenu yā Ndyuūs, Ndyuūs nguéeé cunee yiinú yā 'ii<sup>n</sup>'yā<sup>n</sup>. Nduuti chí 'ii<sup>n</sup>'yā<sup>n</sup> ne<sup>n</sup>é yā ndaa yā nanáá<sup>n</sup> Ndyuūs canee chí cu'téenu yā chí véé Ndyuūs. Ní Ndyuūs ca<sup>n</sup>a yā chí ca'a yā chí véé chí cuuvi ye<sup>n</sup>é 'ii<sup>n</sup>'yā<sup>n</sup> chí n'nuú<sup>n</sup> yā Ndyuūs.

<sup>7</sup>Ní cáávā sa<sup>n</sup>ā Noé i'téenu sa Ndyuūs ní n'giindivee<sup>n</sup> sa nduudu ye<sup>n</sup>e Ndyuūs taachi Ndyuūs yaa'ví yā cosas chí ca<sup>n</sup>á yā díf<sup>n</sup> yā. 'Áará chí nguéeé inaa<sup>n</sup> sa cosas mii<sup>n</sup> n'giindivee<sup>n</sup> sa nduudu ye<sup>n</sup>é Ndyuūs ní din'dái sa 'áámá arca chí barco ch'eteé ní 'íicú cuuví nanguá<sup>n</sup>āi 'ii<sup>n</sup>'yā<sup>n</sup> ye<sup>n</sup>é sa na vaacú sa. 'Túucā Noé díi<sup>n</sup> sa condenar 'ii<sup>n</sup>'yā<sup>n</sup> ye<sup>n</sup>e

i<sup>n</sup>'yee<sup>n</sup>dí 'cūū caati i'téenu sa Ndyuūs. Ní Ndyuūs didεεvé yā Noé chi cuuvi ye<sup>n</sup>'é yā caati i'téenu sa Ndyuūs.

<sup>8</sup>Ní cáávā sa<sup>n</sup>ā Abraham i'téenu sa Ndyuūs, ch'iindivee<sup>n</sup> sa nduudu ye<sup>n</sup>'e Ndyuūs taachi Ndyuūs yaa'ví yā Abraham. Ní yaa'ví yā sa<sup>n</sup>ā chi canéé chí ca<sup>n</sup>a sa táámá yá<sup>n</sup>āa chi ca<sup>n</sup>a Ndyuūs chi cuuvi ye<sup>n</sup>'ē sa. Ní s'nee<sup>n</sup> sa yāā<sup>n</sup> vaacú sa ní cué<sup>n</sup>'e sa. Ní nguéé déénu sá tíí ndíí ca<sup>n</sup>a sa. <sup>9</sup>Ní cáávā chi Abraham i'téenu sa Ndyuūs, canee sa na yá<sup>n</sup>āa chi Ndyuūs ca<sup>n</sup>a yā chi ca'a yā. Ní mii<sup>n</sup> canee sa tan'dúúca 'ii<sup>n</sup>'yā chi canúú<sup>n</sup> yúúní. Ní canúú<sup>n</sup> sá va'āi tíínū<sup>n</sup> ndúúcu daiya sa chi Isaac ndúúcu Jacob. Ní 'āā daamá nū<sup>n</sup> cuuvi ye<sup>n</sup>'é yā ye<sup>n</sup>'ē chí cuuvi ye<sup>n</sup>'e Abraham mii<sup>n</sup>. <sup>10</sup>Abraham mii<sup>n</sup> ní cūnee ngíínu sa yāā<sup>n</sup> chi Ndyuūs 'āā din'dái yā tan'dúúca chi Ndyuūs nadacádíínuu<sup>n</sup> yā. Yāā<sup>n</sup> mii<sup>n</sup> chi 'áámá cūnee cimientu ye<sup>n</sup>'ē ní va'ai cheeti nguuví.

<sup>11</sup>Ní cáávā chi Sara i'téenu tá Ndyuūs, ní ditiínú ca tá chi taavi tá daiya tá. Sta'a tá poder ye<sup>n</sup>'e Ndyuūs ní ch'iindí daiya tá taachi 'āā ndiicúu ta ti i'téenu tá chi Ndyuūs díí<sup>n</sup> yā cumplir nduudu chi nga<sup>n</sup>a yā. <sup>12</sup>Ní 'tíicā Abraham mii<sup>n</sup> 'āā ndiicúu ca yā chi cuuvi chiidá ye<sup>n</sup>'e daiyá yā. Ní n'daataa ye<sup>n</sup>'é yā chí Sara mii<sup>n</sup> 'āā ndiicúu ca ntúu<sup>n</sup> tá. Naati ná 'ii<sup>n</sup>'yā<sup>n</sup> ye<sup>n</sup>'é yā ichii n'dee n'daí 'ii<sup>n</sup>'yā<sup>n</sup> tan'dúúca 'íí<sup>n</sup>'nyú<sup>n</sup> ye<sup>n</sup>'e nanguuvi ní tan'dúúca yá<sup>n</sup>āa ndútúú chi véé cuaa<sup>n</sup> 'diitúú yíicú chí s'uú<sup>n</sup> nguéé ngii iduuche yú.

<sup>13</sup>Nducyaca 'ii<sup>n</sup>'yā<sup>n</sup> s'ee<sup>n</sup> ch'ii yā naati i'téenu yā Ndyuūs. Nguéé sta'á

yā cosas chi Ndyuūs ca<sup>n</sup>a yā chi ca'a yā naati i'téenu yā ní n'diichi chí ya<sup>n</sup>'ái yā cosas chí Ndyuūs ca<sup>n</sup>a yā chí ca'a yā. Ní yeenú yā. Ní 'ii<sup>n</sup>'yā<sup>n</sup> s'ee<sup>n</sup> nga<sup>n</sup>a yā chí yā nducyáácá 'ii<sup>n</sup>'yā<sup>n</sup> chí tan'dúúca 'ii<sup>n</sup>'yā<sup>n</sup> chí snúú<sup>n</sup> yúúní, 'tiicá yā 'naa<sup>n</sup> tiempo chí snée yā i<sup>n</sup>'yee<sup>n</sup>dí 'cūū. <sup>14</sup>Ní nducyaaca 'ii<sup>n</sup>'yā<sup>n</sup> chí nga<sup>n</sup>'á yā 'tíicā chí<sup>n</sup>i yā chí in'nuú<sup>n</sup> yā táámá nación chí n'dai chí cuuvi ye<sup>n</sup>'e yā. <sup>15</sup>Ní nduuti chí nn'gaacú yā ye<sup>n</sup>'e yá<sup>n</sup>āa naachi chíicá yā tuu'mi ní cuuvi nguεεcunée yā ní ndaa yā na yáā<sup>n</sup> mii<sup>n</sup>. <sup>16</sup>Naati 'ii<sup>n</sup>'yā<sup>n</sup> s'ee<sup>n</sup> ne<sup>n</sup>'é yā táámá nación chí n'daacā ca chí ye<sup>n</sup>'ē va'ai cheeti nguuví. Ní cáávā chuū Ndyuūs nguéé 'cuiná<sup>n</sup> yā taachi 'ii<sup>n</sup>'yā<sup>n</sup> s'ee<sup>n</sup> nga<sup>n</sup>a yā 'tíicā: N'dii Ndyuūs ní Ndyuūs ye<sup>n</sup>'ē yú. Ndyuūs 'āā véé yaā<sup>n</sup> yā 'áámá yāā<sup>n</sup> chí cuuvi ye<sup>n</sup>'e 'ii<sup>n</sup>'yā<sup>n</sup> s'ee<sup>n</sup>.

<sup>17</sup>Ní cáávā chi Abraham mii<sup>n</sup> i'téenu yā Ndyuūs, n'giindiveé<sup>n</sup> yā ye<sup>n</sup>'e Ndyuūs taachi Ndyuūs n'diichiné<sup>n</sup> yā Abraham. Ní Abraham ní ca<sup>n</sup>'á yā ca'á yā daiyá yā Isaac cáávā lado ye<sup>n</sup>'e ofrenda chí 'caa<sup>n</sup>'nú<sup>n</sup> yā daiyá yā. Ní canee listo yā chí ca'á yā 'áámá n'dya<sup>n</sup>'ā daiyá yā lado ye<sup>n</sup>'e ofrenda mii<sup>n</sup> 'áará chí Ndyuūs ca'á yā 'áámá compromiso chí 'tíicā: <sup>18</sup>Díí, Abraham, cáávā daiya di Isaac 'úú ní teé dii n'dee n'daí taavi cuuvi ndaata ye<sup>n</sup>'e di. <sup>19</sup>Ní Abraham mii<sup>n</sup> tuumicádíínuu<sup>n</sup> yā chí Ndyuūs cuuví nadacué<sup>n</sup> yā 'ii<sup>n</sup>'yā<sup>n</sup> s'ee<sup>n</sup> ye<sup>n</sup>'ē nguaa<sup>n</sup> tiná<sup>n</sup>'ā. Ní Abraham déénu sa chí Ndyuūs cuuvi nadacué<sup>n</sup> yā daiya sa ye<sup>n</sup>'ē nguaa<sup>n</sup> tiná<sup>n</sup>'ā, naati nguéé ch'ii sa. Abraham mii<sup>n</sup> candée sa daiya sa na vaacú sa.

<sup>20</sup>Ní cáávā chi Isaac i'téenu sa Ndyuūs, nga<sup>n</sup>a sa chi ca<sup>n</sup>a sa di'viicú sa daiya sa Jacob ndúúcú sa<sup>n</sup>ā Esaú. Ní nga<sup>n</sup>ā sa ye<sup>n</sup>e cosas n'dai chi cuchii. <sup>21</sup>Ní cáávā chi Jacob i'téenu sa Ndyuūs, taachi 'āā cháā 'cuuvi sa di'viicu sa ca'áámá ca'áámá daiya ye<sup>n</sup>ē daiya José. Ní cuayiivi ní dich'εεεε sá Ndyuūs ne<sup>n</sup>e chí staā sa in'daacúu ye<sup>n</sup>ē sa. Ní yiin'diicúnee<sup>n</sup> sa na in'daacúu ye<sup>n</sup>ē sa. <sup>22</sup>Ní cáávā chi José i'téenu sa Ndyuūs taachi 'āā cháā 'cuuvi sa nga<sup>n</sup>a sa ye<sup>n</sup>e tiempo chi 'ii<sup>n</sup>yā<sup>n</sup> ye<sup>n</sup>e ndaata Israel nan'dáa yā ná yá<sup>n</sup>āa Egipto. Ní yaa<sup>n</sup>vi sa 'ii<sup>n</sup>yā<sup>n</sup> ye<sup>n</sup>e chi canéé chi dií<sup>n</sup> yā ndúúcú 'iini ye<sup>n</sup>e sa taachi tiná<sup>n</sup>ā sa.

<sup>23</sup>Ní cáávā chi i'téenu yā Ndyuūs chiida sa ní chεεcu sa Moisés, taachi ch'iindiyaā<sup>n</sup> Moisés mii<sup>n</sup> chinuun'dé'ei yā sa<sup>n</sup>ā líí<sup>n</sup> mii<sup>n</sup> na 'iinu 'iyyū. N'diichi yā daiyá yā chi Moisés mii<sup>n</sup> sa<sup>n</sup>ā líí<sup>n</sup> sa neené n'dεεvεε sa. Nguéé di'vá'a yā ye<sup>n</sup>e orden ye<sup>n</sup>e rey chi canéé chi 'caa<sup>n</sup>nú<sup>n</sup> yā sa<sup>n</sup>ā líí<sup>n</sup> mii<sup>n</sup>. <sup>24</sup>Cáávā chi Moisés i'téenu sa Ndyuūs, ní tááchí ch'εētē sa nguéé 'cuū<sup>n</sup> sa chi 'ii<sup>n</sup>yā<sup>n</sup> nga<sup>n</sup>á yā chi Moisés ní daiya n'daataa daiyá rey ye<sup>n</sup>e yā<sup>n</sup>āa Egipto. <sup>25</sup>Naati Moisés mii<sup>n</sup> ne<sup>n</sup>e sa 'cueenu ca sá cuuvi ndúúcú 'ii<sup>n</sup>yā<sup>n</sup> chi ye<sup>n</sup>e Ndyuūs. Ní nguéé 'cuū<sup>n</sup> sa chi yeenú sa 'áámá tiempo ndúúcú vaadi yeenú chi dinuu<sup>n</sup>ndi sa. <sup>26</sup>Ní Moisés mii<sup>n</sup> nadacádíínuu<sup>n</sup> sa chi n'daacā ca chi 'cueenu sa cuuvi tan'dúúcā chi ch'eenu Cristo chií na yá<sup>n</sup>āa 'cúú ní nguéé ti chi cuuví ye<sup>n</sup>e sa tanducué<sup>n</sup>ē vaadi 'cuiica chi véé na yá<sup>n</sup>āa Egipto. Ní 'tífcā nacádíínuu<sup>n</sup> sa caati deenu sa

chi Ndyuūs ca<sup>n</sup>á yā ca'a yā chi véé chi cuuvi ye<sup>n</sup>e sa. <sup>27</sup>Ní cáávā chi Moisés i'téenu sa Ndyuūs, nan'dáa sa ye<sup>n</sup>e yá<sup>n</sup>āa Egipto ní nguéé 'va'a sa chi nduuvi taa<sup>n</sup> rey. Ní dítu canee sa chi i'téenu sa Ndyuūs tan'dúúcā chi n'diichi sa Ndyuūs 'áará chi nguéé inaa<sup>n</sup> sa Ndyuūs.

<sup>28</sup>Ní cáávā chi Moisés i'téenu sa Ndyuūs s'nee<sup>n</sup> sa orden ye<sup>n</sup>e 'viicu pascua chi 'ii<sup>n</sup>yā<sup>n</sup> canéé chí s'neé<sup>n</sup> yā yuúú<sup>n</sup> ye<sup>n</sup>e 'iiti cuūchí na cheendí va'ai ye<sup>n</sup>é yā caati taachi ndaa ángel chi n'gii<sup>n</sup>nu<sup>n</sup> yā nducyaaca da'caiyāa sa<sup>n</sup>ā chi vmnáá<sup>n</sup> vmnaa<sup>n</sup>, nguéé cuuvi 'caa<sup>n</sup>nú<sup>n</sup> yā da'caiyāa chi ye<sup>n</sup>é ndaata ye<sup>n</sup>é Israel. <sup>29</sup>Ní cáávā 'ii<sup>n</sup>yā<sup>n</sup> ye<sup>n</sup>e ndaata Israel i'téenu yā Ndyuūs, chicho'ó yā naavta<sup>n</sup>ā ye<sup>n</sup>e mar chi nguuvi Rojo ní ngiicá yā ndii yá<sup>n</sup>āa cuū<sup>n</sup>má<sup>n</sup>. Ní cuayiivi ní taachi cho'o 'ii<sup>n</sup>yā<sup>n</sup> s'ee<sup>n</sup> ye<sup>n</sup>e yá<sup>n</sup>āa Egipto tuu<sup>n</sup>mi ní chi'i nuū<sup>n</sup>nī<sup>n</sup> 'ii<sup>n</sup>yā<sup>n</sup> ní nducyaaca yā ch'ií yā ti nduuvidaā<sup>n</sup>má<sup>n</sup> nuū<sup>n</sup>nī<sup>n</sup>.

<sup>30</sup>Ní cáávā 'ii<sup>n</sup>yā<sup>n</sup> ye<sup>n</sup>e ndaata Israel i'téenu yā Ndyuūs, che<sup>n</sup>e yā nuu<sup>n</sup>ma<sup>n</sup> ndiivi chεētí ye<sup>n</sup>e yáā<sup>n</sup> Jericó ndeēchē nguuvi. Tuu<sup>n</sup>mi ní ch'iinu mii<sup>n</sup> ní chíndeεeve chεētí ye<sup>n</sup>e yáā<sup>n</sup> mii<sup>n</sup>. <sup>31</sup>Ní cáávā chi Rahab i'téenu tá Ndyuūs, ní 'áará chi cue<sup>n</sup>e tá ndúúcú sa<sup>n</sup>ā s'ee<sup>n</sup>, nguéé ch'ii tá ndúúcú 'ii<sup>n</sup>yā<sup>n</sup> s'ee<sup>n</sup> ye<sup>n</sup>e yáā<sup>n</sup> ye<sup>n</sup>e tá chi nguéé i'téenu yā Ndyuūs; ti n'daata mii<sup>n</sup> ní sta'a tá sa<sup>n</sup>ā s'ee<sup>n</sup> ye<sup>n</sup>e Israel. Ní n'daacā idii<sup>n</sup> tá ndúúcú sa<sup>n</sup>ā s'ee<sup>n</sup> chi 'dííí<sup>n</sup> 'dííí<sup>n</sup> ndaá yā nguaa<sup>n</sup> 'ii<sup>n</sup>yā<sup>n</sup> ye<sup>n</sup>e tá chi cuuvi deenú yā táácā canee 'ii<sup>n</sup>yā<sup>n</sup> ye<sup>n</sup>e tá.

<sup>32</sup>Maa<sup>n</sup> ní 'de'ē cá cuuví caa<sup>n</sup>má<sup>n</sup> ndís'tii? Nguéé véé tiempo chi cuuví

ndís'tií ye<sup>ne</sup> sa<sup>na</sup> Gedeón ní ye<sup>ne</sup> sa<sup>na</sup> Barac, ní ye<sup>ne</sup> sa<sup>na</sup> Sansón, ní ye<sup>ne</sup> sa<sup>na</sup> Jefté, ní ye<sup>ne</sup> sa<sup>na</sup> David, ní ye<sup>ne</sup> sa<sup>na</sup> Samuel, ní ye<sup>ne</sup> sa<sup>na</sup> profetas chi candee nduudu ye<sup>ne</sup> Ndyuūs. <sup>33</sup>Nducyaaca 'ii<sup>nyā</sup> s'ee<sup>n</sup> ní cáávā chi i'téenu yā Ndyuūs idií caandá yā ní cuchéé yā ye<sup>ne</sup> ná<sup>na</sup> países. Ní n'daacā nga<sup>na</sup> ntií<sup>n</sup>nyu<sup>n</sup> yā ye<sup>ne</sup> taná<sup>na</sup> yāā<sup>n</sup>. Ní tuneé<sup>n</sup> yā chí Ndyuūs nga<sup>na</sup> yā chíí<sup>n</sup> chí ca'a yā. Ní dií<sup>n</sup> yā chi nduūdi cheendi 'yáí<sup>nyā</sup> cuá<sup>aa</sup>. <sup>34</sup>Ní ya<sup>na</sup> chi diitu n'dái ngiichi nguée<sup>n</sup> cuuvi 'tuuví 'ii<sup>nyā</sup> s'ee<sup>n</sup> chi i'téenu yā Ndyuūs. Ní n'géenu yā ye<sup>ne</sup> 'ii<sup>nyā</sup> chi ne<sup>ne</sup> yā 'caa<sup>n</sup>nú<sup>n</sup> yā 'yā ndúú<sup>cū</sup> machete chi 'caāi<sup>n</sup> ndúú 'uuvi lados. Ní 'áará chi duúvā yā ditiinú yā. Ní taachi dii<sup>n</sup> caandá yā ní ditiinú yā chí 'caa<sup>n</sup>nú<sup>n</sup> yā. Ní chēe yā ye<sup>ne</sup> n'dee n'dái soldados ye<sup>ne</sup> enemigos ye<sup>ne</sup> yā. <sup>35</sup>Ní cáávā chi n'daataa s'ee<sup>n</sup> i'téenu yā Ndyuūs, nta'á yā tiná<sup>na</sup> chi n'dii ye<sup>ne</sup> familia ye<sup>ne</sup> yā taachi 'āā nduuchí yā ye<sup>ne</sup> nguaa<sup>n</sup> tiná<sup>na</sup>. Ní ná<sup>na</sup> 'ii<sup>nyā</sup> ch'éenu yā chii ní ch'ii yā. Ní nguée<sup>n</sup> 'cūu<sup>n</sup> yā chi nngua<sup>na</sup> ai yā ti ne<sup>ne</sup> yā n'diichí yā táámá vida chi n'daacā ca. <sup>36</sup>Ná<sup>na</sup> yā ní 'ii<sup>nyā</sup> s'ee<sup>n</sup> duuchí yā ye<sup>ne</sup> yā ní ch'e<sup>ne</sup> yā 'ii<sup>nyā</sup>. Ní ná<sup>na</sup> yā ní 'ii<sup>nyā</sup> s'ee<sup>n</sup> ch'ēē chiichí yā ndúú<sup>cū</sup> cadenas ní che<sup>ne</sup> yā vácūū. <sup>37</sup>Ní ná<sup>na</sup> yā ní 'ii<sup>nyā</sup> s'ee<sup>n</sup> ca'a tuúú yā 'ii<sup>nyā</sup> ní ch'ii yā. Ní ná<sup>na</sup> yā ní 'ii<sup>nyā</sup> s'ee<sup>n</sup> n'deé yā nduu 'uuvi taa<sup>n</sup> yā ndúú<sup>cū</sup> cierra. Ní ná<sup>na</sup> yā 'ii<sup>nyā</sup> s'ee<sup>n</sup> n'gii<sup>n</sup>nu<sup>n</sup> yā 'ii<sup>nyā</sup> ndúú<sup>cū</sup> machete chi 'úúvi lados 'caāi<sup>n</sup>. Ná<sup>na</sup> yā ní ch'ēē chiicá yā ndíí 'muu<sup>n</sup> ndíí mii<sup>n</sup> ndúú<sup>cū</sup> catecai yā ye<sup>ne</sup> iiti cuūchí ní ye<sup>ne</sup> dii<sup>n</sup>ma<sup>n</sup> chivo. Ní

pobre yā ní ch'eenú yā chii. Ní nguée<sup>n</sup> din'daacá 'ii<sup>nyā</sup> s'ee<sup>n</sup> ndúú<sup>cū</sup> yā. <sup>38</sup>Ní 'ii<sup>nyā</sup> chi ch'eenú yā chii cáávā chi i'téenu yā Ndyuūs, 'ii<sup>nyā</sup> ye<sup>ne</sup> í<sup>n</sup>ye<sup>ne</sup> dī nguée<sup>n</sup> n'daacā ca chi cuuvi cūneé yā ndúú<sup>cū</sup> yā. 'Ii<sup>nyā</sup> chi i'téenu yā nge<sup>ne</sup> yā 'muu<sup>n</sup> nge<sup>ne</sup> yā mii<sup>n</sup> ní tan'dúú<sup>cā</sup> 'ii<sup>nyā</sup> chi nguée<sup>n</sup> vaacú yā, 'tiicá yā. Chiicá yā yá<sup>na</sup> aa cuu<sup>n</sup>ma<sup>n</sup> naachi nguée<sup>n</sup> ch'ēetinéé 'ii<sup>nyā</sup>. Ní chiicá yā na cuéétí ní ná yiivi yáávā ye<sup>ne</sup> iiti o yiivi yá<sup>na</sup> aa naachi 'cuēetinéé yā. <sup>39</sup>Cáávā chi 'ii<sup>nyā</sup> s'ee<sup>n</sup> chi i'téenu yā Ndyuūs, n'dai yā ndúú<sup>cū</sup> nducué<sup>n</sup> chi Ndyuūs 'cūu<sup>n</sup> yā chi n'geenu yā ngii ndíí tiempo chi ch'ii yā. 'Āā cuéé cuta'a yā chi cuuvi ye<sup>ne</sup> yā chi Ndyuūs ca<sup>na</sup> yā chí ca'a yā, <sup>40</sup>caati Ndyuūs nadacádíinu<sup>n</sup> yā chí ca<sup>na</sup> yā dii<sup>n</sup> yā chí n'daacā ca cáávā yā ní cáávā s'uuú<sup>n</sup>. 'Ii<sup>nyā</sup> s'ee<sup>n</sup> nguée<sup>n</sup> cuuvi cuta'á yā chí cuuvi ye<sup>ne</sup> yā ndíí tiempo chí s'uuú<sup>n</sup> cuuvi cuta'a yú chí cuuvi ye<sup>ne</sup> yú.

**Cue<sup>ne</sup> daā<sup>n</sup>ma<sup>n</sup> snaa<sup>n</sup> yú ye<sup>ne</sup> Jesús**

**12** Maa<sup>n</sup> ní deenu yú cáávā vida ye<sup>ne</sup> n'dee n'dái 'ii<sup>nyā</sup> chí ch'ii yā ti ch'í<sup>n</sup>í yā s'uuú<sup>n</sup> táácā cuuvi cu'teenu ca yú Ndyuūs. Ní cáávā chuū canee chí cū'nee<sup>n</sup> yú tanducué<sup>n</sup> dendu'ū chí di'vaachi s'uuú<sup>n</sup> ndúú<sup>cū</sup> nuu<sup>n</sup>ndi chí dii<sup>n</sup> yú caati nuu<sup>n</sup>ndi míí<sup>n</sup> dii<sup>n</sup> chí cuuvi ndai yú. Ní caānu yú ndúú<sup>cū</sup> ngiīnū carrera ye<sup>ne</sup> vida ye<sup>ne</sup> yú chí Ndyuūs itée yā s'uuú<sup>n</sup>. <sup>2</sup>Ní cue<sup>ne</sup> daā<sup>n</sup>mā<sup>n</sup> snaa<sup>n</sup> yú Jesús ti díí<sup>n</sup> yā chí cuuvi i'téenu yú 'yā. Ní díí<sup>n</sup> yā chí n'daacā ca cuuvi cu'teenu yú. Jesucristo ní ch'eenú yā chii taachi ch'ii yā na cruz. Ní nguée<sup>n</sup> díí<sup>n</sup> yā



cuenta chi 'cuinaá<sup>n</sup> yā cucáāvā chi ch'ii yā tan'dúucā chi n'gii<sup>n</sup>nu<sup>n</sup> yā 'ii<sup>n</sup>yā<sup>n</sup> caati deenú yā chi yeenú yā cuayiivi ti cuuví nadangua<sup>n</sup>ai yā 'ii<sup>n</sup>yā<sup>n</sup>. Maa<sup>n</sup> ní vée yā na lado ye<sup>n</sup>e honor ye<sup>n</sup>e trono ye<sup>n</sup>e Ndyuūs.

<sup>3</sup>Ndís'tii, nadacadíinuu<sup>n</sup> nī tan'dúucā Jesucristo chi ejemplo ye<sup>n</sup>e yú. Ch'eenú yā chiī cucáāvā 'ii<sup>n</sup>yā<sup>n</sup> s'ee<sup>n</sup> chi dinuu<sup>n</sup>ndí yā. Ní 'íicú ndís'tii nguée cuuvi 'daandí nī ní nguée s'neé<sup>n</sup> nī chii<sup>n</sup> chi i'téenu nī. <sup>4</sup>Ndís'tii ní 'āā chichεε nī ndúucū nuū<sup>n</sup>ndí ní nguée ch'eenú nī chii ndíí chi 'āā n'dii nī. <sup>5</sup>¿Āā nguée n'gaacú ndís'tii consejo chi Ndyuūs ca'á yā ndís'tii chi daiyá yā? Canée nguū<sup>n</sup> na libro ye<sup>n</sup>é Ndyuūs 'tíicā:

Díí, daiyá, nguée nadacadíinuu<sup>n</sup> nī chi nguée de'ē vee taachi Ndyuūs díí<sup>n</sup> yā castigar ndís'tii caati cuuvi deenú nī chi nguée n'daacā idií<sup>n</sup> nī. Ní nguée ndaacadáámí nī ye<sup>n</sup>é yā taachi díí<sup>n</sup> yā castigar ndís'tii.

<sup>6</sup>Señor ye<sup>n</sup>e yú yaa'vineé<sup>n</sup> yā nducyáácá 'ii<sup>n</sup>yā<sup>n</sup> chi ne<sup>n</sup>é yā ní díí<sup>n</sup> yā castigar nducyaaca 'ii<sup>n</sup>yā<sup>n</sup> chi sta'á yā chi cuuvi daiyá yā. <sup>7</sup>Maa<sup>n</sup> ní cuchée nī castigo chi Ndyuūs itée yā ndís'tii ti Ndyuūs ní chiidá nī. Taachi n'geenú nī ngii tuu'mi ní deenú nī chi díí<sup>n</sup> yā ndúucū ndís'tii tan'dúucā chi ndís'tii ní daiyá yā. 'Tíicā díí<sup>n</sup> yā. ¿Dú'ū daiyá yā vee chi chiidá yā nguée idií<sup>n</sup> yā castigar? <sup>8</sup>Nduuti chi Ndyuūs nguée díí<sup>n</sup> yā castigar ndís'tii tan'dúucā chi díí<sup>n</sup> yā castigar nducué<sup>n</sup>ē daiyá yā, tuu'mi

ní ndís'tii nguée maa<sup>n</sup> daiyá yā ti ndís'tii ní daiyá ye<sup>n</sup>e táamá yā. Ní nguée daiya Dendyuūs ndís'tii. <sup>9</sup>Ní 'tiicá ntúū<sup>n</sup> chiida yú chi ye<sup>n</sup>e i<sup>n</sup>'yee<sup>n</sup>dí cūū díí<sup>n</sup> yā castigar s'uuú<sup>n</sup> tan'dúucā chi ne<sup>n</sup>é yā. Ní s'uuú<sup>n</sup> ní diné<sup>n</sup>e yú chiida yú. N'daacā ca chi díí<sup>n</sup> yú chii<sup>n</sup> chi ne<sup>n</sup>e Ndyuūs chi canée na va'ai chεeti nguuvi ní sндуuchi yú. <sup>10</sup>Chiida yú chi ye<sup>n</sup>é i<sup>n</sup>'yee<sup>n</sup>dí cūū díí<sup>n</sup> yā castigar s'uuú<sup>n</sup> dúu'vī nduuyū nūu<sup>n</sup> tan'dúucā chi tumicadíinuu<sup>n</sup> yā chi n'daacā caavā s'uuú<sup>n</sup>. Ndyuūs ye<sup>n</sup>e yú ní díí<sup>n</sup> yā castigar s'uuú<sup>n</sup> ti cuáácú chí n'dai caavā s'uuú<sup>n</sup> ti s'uuú<sup>n</sup> ní cuuvi din'dai ca yú tan'dúucā chi Ndyuūs ní n'dai cá yā. <sup>11</sup>Cuaacu chi nguée yeenu yú taachi téé yā castigo s'uuú<sup>n</sup> naati yá'ai yú. Cuayiivi ní 'ii<sup>n</sup>yā<sup>n</sup> chi tuumicádíinuu<sup>n</sup> yā ye<sup>n</sup>é castigo ye<sup>n</sup>é yā ni vée chi n'daacā ye<sup>n</sup>e castigo. 'Ii<sup>n</sup>yā<sup>n</sup> s'ee<sup>n</sup> din'daacā cá yā ní canée 'dii<sup>n</sup> vida ye<sup>n</sup>é yā.

**Vée peligro ye<sup>n</sup>é yú nduuti chi nguée n'giindivee<sup>n</sup> yú nduudu ye<sup>n</sup>é Ndyuūs**

<sup>12</sup>Maa<sup>n</sup> ní Ndyuūs 'āā tee yā castigo ndís'tii ní maa<sup>n</sup> ní cuta'á nī fuerzas ndúucū ta'á nī ní dicuaacú nī duū<sup>n</sup>ntii'yá nī chi ndicuūnū. <sup>13</sup>Cachiicá nī ná yúúní cuaacu maa<sup>n</sup> ní 'íicú cuuvi nanduūvā ye<sup>n</sup>é nī ca'a nī chi ndíí dúúvā ye<sup>n</sup>e nī.

<sup>14</sup>Maa<sup>n</sup> ndís'tii ní díí<sup>n</sup> nī chi 'diií<sup>n</sup> 'cuεetinée nī ndúucū nducyaaca 'ii<sup>n</sup>yā<sup>n</sup>. Ní díí<sup>n</sup> nī nducué<sup>n</sup>ē chi n'daacā ca caati deeve canée vida

ye<sup>n</sup>é nī. 'Ii<sup>n</sup>yā<sup>n</sup> chi nguéé d̄eeve vida ye<sup>n</sup>é yā nguéé cuuvi n'diichí yā Señor Ndyuūs. <sup>15</sup>Cundéé nī cuidado chi mar 'áámá ndís'tii nguéé diví nī ye<sup>n</sup>e Ndyuūs ti nguéé cuuvi inneé yā ndís'tii. Ní nguéé cúúví cunee 'aamá nī nguaa<sup>n</sup> ndís'tii chi tan'dúúćā 'áámá dii'yu yaātā yaāa chi dii<sup>n</sup> daño ye<sup>n</sup>e nducué<sup>n</sup>ē dii'yu yaātā. 'Tíícā cuuvi dii<sup>n</sup> daño 'áámá nī tan'dúúćā chi veneno nguaa<sup>n</sup> ndís'tii. <sup>16</sup>Candéé nī cuidado chi mar 'áámá ndís'tii nguéé ca<sup>n</sup>á nī ndúúćū n'daataa o sa<sup>n</sup>ā chi nguéé ye<sup>n</sup>e nī. Ní nguéé dií<sup>n</sup> nī cuenta ye<sup>n</sup>e nducué<sup>n</sup>ē chi ye<sup>n</sup>é Ndyuūs. 'Tíícā dii<sup>n</sup> sa<sup>n</sup>ā Esaú ti cáávā 'áámá comida nūu<sup>n</sup> n'diicuí sá chi cuuvi ye<sup>n</sup>e sa ti sa<sup>n</sup>ā vmnaa<sup>n</sup>. <sup>17</sup>Ní ndís'tii deenú nī ye<sup>n</sup>e sa<sup>n</sup>ā Esaú taachi ne<sup>n</sup>e sa cuta'a sa ye<sup>n</sup>e chiidá sa chi cuuvi ye<sup>n</sup>ē sa ti sa<sup>n</sup>ā daiya vmnaa<sup>n</sup>, naati nguéé 'cuū<sup>n</sup> chiida sa. Ní Esaú chēēcū taavi sá ní n'huu<sup>n</sup> sa manera chi nduuvi n'daacā chi 'āā dii<sup>n</sup> sa naati nguéé ndaācā n'daaca sa.

<sup>18</sup>Maa<sup>n</sup> ní ndís'tii nguéé ndāa nī na yiicū chi ngiichi chi dií<sup>n</sup> nī sentir ngiichi mií<sup>n</sup>, tan'dúúćū chi dii<sup>n</sup> 'ii<sup>n</sup>yā<sup>n</sup> Israel tiempo chi 'āā ch'ó'ōo. Ndíí nguéé dií<sup>n</sup> nī sentir maāí<sup>n</sup>, ndíí nguéé ndúú meēē<sup>n</sup>, ndíí nguéé ndúú 'áámá chee<sup>n</sup> cúúví díftūu. <sup>19</sup>Ní nguéé n'giindiveé<sup>n</sup> nī chi ch'ēēcū trompeta mií<sup>n</sup> ní nguéé nduudu ye<sup>n</sup>é Ndyuūs chi ca<sup>n</sup>a yā ndúúćū 'ii<sup>n</sup>yā<sup>n</sup> s'ee<sup>n</sup>. Taachí 'ii<sup>n</sup>yā<sup>n</sup> s'ee<sup>n</sup> ch'iindiveé<sup>n</sup> yā nduudu ye<sup>n</sup>e Ndyuūs chiica yā Ndyuūs chi 'āā ntéé caa<sup>n</sup>ma<sup>n</sup> cá yā 'ii<sup>n</sup>yā<sup>n</sup> s'ee<sup>n</sup>. <sup>20</sup>'Tíícā nga<sup>n</sup>a yā ti nguéé cuuvi chēe yā chi Ndyuūs nga<sup>n</sup>a n'tii<sup>n</sup>nyu<sup>n</sup> yā ti 'tíícā: Ndúúti chi 'áámá 'iiti

nindaá ti na yiicū 'cūū canee chi cuiituú yā 'iiti ní 'caa<sup>n</sup>nú<sup>n</sup> yā 'iiti. <sup>21</sup>Ní maa<sup>n</sup> Moisés mií<sup>n</sup> ní taachi n'diichí yā yiicū 'cūū ní ch'iindiveé<sup>n</sup> yā nducué<sup>n</sup>ē, 'tíícā nga<sup>n</sup>á yā: Nééné 'va'á ní yiin'duuvi 'úú.

<sup>22</sup>Maa<sup>n</sup> ní nguéé 'tíícā ti ndís'tii ndaa nī 'áámá yiicū chi nguuvi Sión chi yāā<sup>n</sup> ye<sup>n</sup>e Ndyuūs chi cánduuchi chí yāā<sup>n</sup> Jerusalén chí va'ai chēeti nguuvi naachi n'dee n'dái miles ángeles snée yā. <sup>23</sup>Ní nduvidaamá yā chi dich'eté yā Ndyuūs. Ní mií<sup>n</sup> canee nducyaaca 'ii<sup>n</sup>yā<sup>n</sup> chi daiyá Ndyuūs. Ní chi duuchí yā canéé nguū<sup>n</sup> na libro ye<sup>n</sup>ē va'ai chēeti nguuvi. Nducyaaca nī ndaa nī nanáá<sup>n</sup> Ndyuūs chi dií<sup>n</sup> yā juzgar nducyáácá 'ii<sup>n</sup>yā<sup>n</sup>. Ní ndís'tii chi ye<sup>n</sup>ē i<sup>n</sup>'yee<sup>n</sup>dí 'cūū ní ndaa nī nanáá<sup>n</sup> espíritu s'ee<sup>n</sup> ye<sup>n</sup>e 'ii<sup>n</sup>yā<sup>n</sup> chi d̄eeve ca chi Ndyuūs dií<sup>n</sup> yā chi nguéé nuu<sup>n</sup>ndi ye<sup>n</sup>é yā.

<sup>24</sup>Ní ndaa nī nanáá<sup>n</sup> Jesucristo chi abogado chi canúu<sup>n</sup> yā naavta<sup>n</sup>ā compromiso chí ngai chi ye<sup>n</sup>é Ndyuūs ndúúćū 'ii<sup>n</sup>yā<sup>n</sup>. Ní ndaa nī nanáá<sup>n</sup> Cristo chi chingée yā yuúú<sup>n</sup> ye<sup>n</sup>é yā cucáávā s'uuú<sup>n</sup>. Yuúú<sup>n</sup> ye<sup>n</sup>e Cristo ní n'daacā ca nguéé ti yuúú<sup>n</sup> ye<sup>n</sup>e Abel. Ndúúćū yuúú<sup>n</sup> ye<sup>n</sup>e Cristo, Ndyuūs nadich'ēcú yā nuu<sup>n</sup>ndi ye<sup>n</sup>e 'ii<sup>n</sup>yā<sup>n</sup>. Naati cáávā 'díínu Abel ch'ií<sup>n</sup>nú<sup>n</sup> Abel tuu<sup>n</sup>mi ní Ndyuūs ca'a yā castigo 'díínu Abel.

<sup>25</sup>Ní cáávā nducué<sup>n</sup>ē chuū candēé nī cuidado chi n'giindiveé<sup>n</sup> nī nduudu ye<sup>n</sup>e Ndyuūs chi nga<sup>n</sup>á yā ngii yā ndís'tii. 'Ii<sup>n</sup>yā<sup>n</sup> s'ee<sup>n</sup> chi nguéé ch'iindiveé<sup>n</sup> yā nduudu ye<sup>n</sup>e Cristo taachí snée yā i<sup>n</sup>'yee<sup>n</sup>dí 'cūū nguéé ngua<sup>n</sup>ái yā ye<sup>n</sup>ē nuu<sup>n</sup>ndi ye<sup>n</sup>é yā. Ní 'tēe cá s'uuú<sup>n</sup> chi cuuvi

ngua<sup>n</sup>āi yú nduuti chi ndaacadaami yú ye<sup>n</sup>é Cristo chi canee na va'ai cheeti nguuvi ní nga<sup>n</sup>á yā ndúúcū s'uuú<sup>n</sup> ye<sup>n</sup>e chi cuchii. <sup>26</sup>Tiempo chi ch'óo taachi Ndyuūs nga<sup>n</sup>á yā ye<sup>n</sup>e yīcū nu<sup>n</sup>u yá<sup>n</sup>āa. Maa<sup>n</sup> ní Ndyuūs nga<sup>n</sup>á yā 'tíicā: Taama vmné<sup>n</sup>ēe inu<sup>n</sup>ú yá<sup>n</sup>āa ndúúcū nanguuvi. <sup>27</sup>Maa<sup>n</sup> ní taachi nga<sup>n</sup>a Ndyuūs taama vmné<sup>n</sup>ēe nū<sup>n</sup> deenu yú chi nducué<sup>n</sup>ē chi din'dái Ndyuūs ní ca<sup>n</sup>á yā din'nú<sup>n</sup>u yā ní divíi yā. Ní nducué<sup>n</sup>ē chi nguéé din'nú<sup>n</sup>u yā ní cūnee. <sup>28</sup>Canéé chí ca'a yú gracias Ndyuūs caati véé yā<sup>n</sup> ye<sup>n</sup>e yú, lugar naachi Ndyuūs nga<sup>n</sup>a ntiin<sup>n</sup>yu<sup>n</sup> yā. Ní nguéé cuuvi nu<sup>n</sup>u lugar mi<sup>n</sup>. Canee chi dich'εεε yú Ndyuūs ní i'teenu yú Ndyuūs. Ní 'va'a yú ye<sup>n</sup>é yā ní dii<sup>n</sup> yú tan'dúúcā chi ne<sup>n</sup>e yā. <sup>29</sup>Ndyuūs ye<sup>n</sup>e yú tan'dúúcā 'áámá nguuchi yá<sup>n</sup>ā chí dituúvī nducué<sup>n</sup>ē chi nguéé n'daacā. Tiicá yā.

**Ye<sup>n</sup>é chi dii<sup>n</sup> yú chi cunee  
yiinuú Ndyuūs**

**13** Canéé chi dine<sup>n</sup>e yú 'aama yú taama yú caati hermanos s'uuú<sup>n</sup> ní ye<sup>n</sup>e Cristo s'uuú<sup>n</sup>. <sup>2</sup>Nan'gaacu yú chi canee chi ca'a yú va'āi ye<sup>n</sup>e yú 'ii<sup>n</sup>yā<sup>n</sup> chi canú<sup>n</sup> yúúní. N'duuvī yā ní dií<sup>n</sup> yā 'túúcā ní sta'á yā va'ai yā ángeles ní nguéé déenu yā chi ángeles.

<sup>3</sup>Nan'gaacu yú ye<sup>n</sup>e 'ii<sup>n</sup>yā<sup>n</sup> chi snú<sup>n</sup> yā vácū. Dii<sup>n</sup> yú cuenta chi s'uuú<sup>n</sup> snuū<sup>n</sup> yú vácū nduucú yā. Nan'gaacu yú ye<sup>n</sup>e 'ii<sup>n</sup>yā<sup>n</sup> chi n'geenú yā ngii na cuerpo ye<sup>n</sup>é yā ní dii<sup>n</sup> yú cuenta chi s'uuú<sup>n</sup> ní n'geenu yú ngii na cuerpo ye<sup>n</sup>e yú nduucú yā.

<sup>4</sup>Dii<sup>n</sup> yú respetar 'ii<sup>n</sup>yā<sup>n</sup> chi n'giindivaacú yā ti nguéé dinuu<sup>n</sup>ndí yā. 'Ii<sup>n</sup>yā<sup>n</sup> chi n'giindivaacú yā canee chi ca<sup>n</sup>á yā dámaā<sup>n</sup> ndúúcū isa<sup>n</sup>ā o n'daataá ye<sup>n</sup>é yā. Ndyuūs ní n'diichí yā nuu<sup>n</sup>ndi ye<sup>n</sup>e 'ii<sup>n</sup>yā<sup>n</sup> chí véé nuu<sup>n</sup>ndi ye<sup>n</sup>é yā ndúúcū 'ii<sup>n</sup>yā<sup>n</sup> chí n'giindivaacú yā ní ca<sup>n</sup>á yā ndúúcū táámá n'daataá o sa<sup>n</sup>ā.

<sup>5</sup>Nguéé dine<sup>n</sup>e yú tuūmī naati yeenú yú ndúúcū chí véé chí ye<sup>n</sup>e yú ti Ndyuūs nga<sup>n</sup>á yā 'tíicā: 'Úú nguéé cu<sup>n</sup>ee<sup>n</sup> ndís'tií ní nguéé dií<sup>n</sup> abandonar ndís'tií. <sup>6</sup>Ní 'tíicā cuuvi caa<sup>n</sup>ma<sup>n</sup> cuaacu yú ndúúcū confianza:

Señor ní nginnee yā 'úú. 'Úú nguéé 'va'á ye<sup>n</sup>e chí 'ii<sup>n</sup>yā<sup>n</sup> cuuvi dií<sup>n</sup> yā nduucú.

<sup>7</sup>Nan'gaacú ní ye<sup>n</sup>e 'ii<sup>n</sup>yā<sup>n</sup> n'gεεε ye<sup>n</sup>e yaacū chí nga<sup>n</sup>a ntiin<sup>n</sup>yu<sup>n</sup> yā nanáá<sup>n</sup> ndís'tií ní nga<sup>n</sup>á yā ngii yā ndís'tií nduudu cuaacu ye<sup>n</sup>é Ndyuūs. Nadacadíínuu<sup>n</sup> ní táaca 'ii<sup>n</sup>yā<sup>n</sup> s'ee<sup>n</sup> dií<sup>n</sup> yā ní n'gεεεtineé yā ní ch'ii yā. Maa<sup>n</sup> ní candéε ní cuidado chí dií<sup>n</sup> ní tan'dúúcā 'ii<sup>n</sup>yā<sup>n</sup> n'gεεε chí i'téenu yā Ndyuūs dií<sup>n</sup> yā ti 'ii<sup>n</sup>yā<sup>n</sup> s'ee<sup>n</sup> ejemplo ye<sup>n</sup>é ní.

<sup>8</sup>Jesucristo mi<sup>n</sup> ní 'āā 'tiicá nū<sup>n</sup> tan'duucá yā 'iicu, 'tiicá ntúu<sup>n</sup> yā maa<sup>n</sup>nguuvī. 'Āā 'tiica nuú<sup>n</sup> yā cue<sup>n</sup>e daā<sup>n</sup>ma<sup>n</sup>. <sup>9</sup>Cuin'diichí ní ndís'tií. Nguéé 'caandiveé<sup>n</sup> ní ndúúdú 'na<sup>n</sup>a chí n'dáá<sup>n</sup> ndúúcū ye<sup>n</sup>é chí che'e yú. N'daacā ca chí staava ye<sup>n</sup>é ní canéé n'daacā chí cuuvi cuta'á ní fuerzas ye<sup>n</sup>é nducué<sup>n</sup>ē chí n'dai taavi chí Ndyuūs itée yā ndís'tií. Staava ye<sup>n</sup>é 'ii<sup>n</sup>yā<sup>n</sup> nguéé dii<sup>n</sup> aprovechar nduuti chí chiindiveé<sup>n</sup> yā nduudu n'dáá<sup>n</sup> ndúúcū ye<sup>n</sup>e chí che'e yú.

<sup>10</sup>Deenu yú chi chiidúú s'ee<sup>n</sup> chi díí<sup>n</sup> yā ntii<sup>n</sup>nyu<sup>n</sup> ye<sup>n</sup>e yaācū ye<sup>n</sup>é yā nguéé cuuvi che<sup>é</sup> yā yuūtē ye<sup>n</sup>e nátaí ye<sup>n</sup>e 'iiti chi ch'ii<sup>n</sup>nú<sup>n</sup> yā cáāvā ofrenda ye<sup>n</sup>e yú ti ofrenda ye<sup>n</sup>e yú ní 'āā víí caā ti i'teenu yú Jesucristo. Ní Jesucristo mii<sup>n</sup> ní ch'ii yā chi lado ye<sup>n</sup>e ofrenda ye<sup>n</sup>e yú.

<sup>11</sup>Chiidúú ch'ēete ca ye<sup>n</sup>e judíos chi Israel s'ee<sup>n</sup> taachi ch'ii<sup>n</sup>nú<sup>n</sup> yā 'iiti cáāvā ofrenda ye<sup>n</sup>e nuū<sup>n</sup>ndí candéé yā yuūú<sup>n</sup> ye<sup>n</sup>é 'iiti cheeti cuarto chi nguuví Dēēve naati cuerpo ye<sup>n</sup>e 'iiti mii<sup>n</sup> ní ngiichí yā 'áámá lado ye<sup>n</sup>e yāā ye<sup>n</sup>é yā. <sup>12</sup>Ní 'tiicá ntūú<sup>n</sup> Jesucristo ch'ii yā cuaa<sup>n</sup> dáámí cheendi va'āi ye<sup>n</sup>e yāā<sup>n</sup> Jerusalén ní 'íicú cuuvi dēēvé yā 'ii<sup>n</sup>yā<sup>n</sup> ye<sup>n</sup>e nuu<sup>n</sup>ndi ye<sup>n</sup>é yā ndúú<sup>n</sup>cū yuuú<sup>n</sup> ye<sup>n</sup>e maá<sup>n</sup> yā. <sup>13</sup>Maa<sup>n</sup> ní ca<sup>n</sup>'a yú tan'dúú<sup>n</sup>cā chi cue<sup>n</sup>e Jesús 'áámá lado ye<sup>n</sup>e yāā<sup>n</sup> ní 'cueenu yú cuuvi tan'dúú<sup>n</sup>cā chi ch'eenú yā chii<sup>n</sup> ní cuuvi 'cuinaa<sup>n</sup> yú tan'dúú<sup>n</sup>cā chi 'cuinaá<sup>n</sup> yā. <sup>14</sup>Caati nguéé véé 'áámá yāā<sup>n</sup> chi 'áámá cūnee cáāvā s'uuú<sup>n</sup> naati in'nuu<sup>n</sup> yú 'áámá yāā<sup>n</sup> ch'ēete chi 'áámá cūnee chi véé tiempo chi cuchí. <sup>15</sup>Ní cáāvā chuū canee yú chi dich'ēete yú Ndyuūs cucáāvā Jesucristo. Ní taachi dich'ēete yú Ndyuūs chuū ní ofrenda chi canee chi ca'a yú Ndyuūs. Ní canéé chi ca'a yú gracias Ndyuūs cáāvā Jesucristo ndúú<sup>n</sup>cū nduudu ye<sup>n</sup>e yú.

<sup>16</sup>Nguéé cuuvi 'náa<sup>n</sup> nī chi din'daacá nī ní nnee nī 'aamá nī taamá nī caati chuū ní ofrenda ye<sup>n</sup>é nī chi 'túú<sup>n</sup>cā Ndyuūs ne<sup>n</sup>e yā.

<sup>17</sup>Cu'nee<sup>n</sup>veé<sup>n</sup> nī nduudu ye<sup>n</sup>é 'ii<sup>n</sup>yā<sup>n</sup> chi nga<sup>n</sup>'a ntii<sup>n</sup>nyu<sup>n</sup> ye<sup>n</sup>é nī. Cu'téenu nī ye<sup>n</sup>é yā chi nga<sup>n</sup>'a yā caati 'ii<sup>n</sup>yā<sup>n</sup> s'ee<sup>n</sup> díí<sup>n</sup> yā cuidado

ye<sup>n</sup>e staava ye<sup>n</sup>é nī. 'Ii<sup>n</sup>yā<sup>n</sup> s'ee<sup>n</sup> canéé chi nca'á yā cuenta nanáá<sup>n</sup> Ndyuūs ye<sup>n</sup>e ntii<sup>n</sup>nyu<sup>n</sup> chi díí<sup>n</sup> yā. Díí<sup>n</sup> núú<sup>n</sup> yii<sup>n</sup>nu nī chi nga<sup>n</sup>'a yā caati yeenú yā díí<sup>n</sup> yā ntii<sup>n</sup>nyu<sup>n</sup> ye<sup>n</sup>é yā. Ti nduuti chi nguéé díí<sup>n</sup> nī 'túú<sup>n</sup>cā nguéé yeenú yā ní nguéé díí<sup>n</sup> nī aprovechar ye<sup>n</sup>e ntii<sup>n</sup>nyu<sup>n</sup> chi díí<sup>n</sup> yā cáāvā ndís'tií.

<sup>18</sup>Maa<sup>n</sup> ní caa<sup>n</sup>'ma<sup>n</sup>ngua'á nī cáāvā nús'uu ti nadacadiinúú<sup>n</sup> 'nū n'daacā na staava ye<sup>n</sup>é 'nū ní ne<sup>n</sup>é 'nū 'cuetinéé n'daacá 'nū ye<sup>n</sup>e nducué<sup>n</sup>e dendu'ū. <sup>19</sup>Úú ngiicá ndís'tií chi taachi nga<sup>n</sup>'angua'á nī, ngiicá nī Ndyuūs chi téé yā lugar 'nū chi ni<sup>n</sup>'nuú<sup>n</sup> nūu<sup>n</sup> cuuví nandaá ní cuneé ndúú<sup>n</sup>cū ndís'tií.

#### **Di'viicú yā ndís'tií ní dicho'ó yā, n'dai ndís'tií**

<sup>20</sup>Maa<sup>n</sup> ní Ndyuūs ní ye<sup>n</sup>e vaadi 'dii<sup>n</sup>, maa<sup>n</sup> Ndyuūs mii<sup>n</sup> nadin'duuchí yā Jesucristo ye<sup>n</sup>e yú ye<sup>n</sup>e nguaa<sup>n</sup> tiná<sup>n</sup>'ā chi Jesucristo mii<sup>n</sup> Pastor chi ch'ēete n'dai chi díí<sup>n</sup> yā cuidado s'uuú<sup>n</sup> chi tan'dúú<sup>n</sup>cā 'iiti cuūchí ye<sup>n</sup>é yā. Ní Jesucristo ye<sup>n</sup>e yú ndúú<sup>n</sup>cū yuūú<sup>n</sup> ye<sup>n</sup>é yā díí<sup>n</sup> yā chi 'áámá cūnee compromiso chi Ndyuūs díí<sup>n</sup> yā ndúú<sup>n</sup>cū 'ii<sup>n</sup>yā<sup>n</sup>. <sup>21</sup>Ne<sup>n</sup>é chi Ndyuūs ye<sup>n</sup>e vaadi 'dii<sup>n</sup> téé yā ndís'tií nducué<sup>n</sup>e chi n'dai ye<sup>n</sup>é yā chi nguéé ye<sup>n</sup>é nī. Ní cuuvi n'dai nī ti ndís'tií cuuvi díí<sup>n</sup> nī chii<sup>n</sup> chi ne<sup>n</sup>é Ndyuūs chi díí<sup>n</sup> nī. Ní ne<sup>n</sup>é chi Ndyuūs díí<sup>n</sup> yā cáāvā nducyaaca yú nducué<sup>n</sup>e chi ne<sup>n</sup>é yā díí<sup>n</sup> yā cáāvā Jesucristo. Ca<sup>n</sup>'a yú chi ch'ēete ca canéé Cristo ní n'dēēve ngii yā cué<sup>n</sup>é daā<sup>n</sup>'ma<sup>n</sup> cue<sup>n</sup>e daā<sup>n</sup>'ma<sup>n</sup>. 'Tíicā. <sup>22</sup>Ndís'tií hermanos ye<sup>n</sup>é ngiicá ndís'tií chí cuheé nī

ndúúcū nduudu chi ngi'cueé<sup>n</sup> ti nguéé 'yaa<sup>n</sup> idinguú<sup>n</sup> na carta mii<sup>n</sup> ye<sup>n</sup>é ndís'tiī. <sup>23</sup>Yaa'ví ndís'tiī chi cadiinúú<sup>n</sup> nī chi Timoteo hermano ye<sup>n</sup>ē yú 'āā ntéé canee sa vácūū. Ní ndúúti chi nii<sup>n</sup>nu<sup>n</sup> nii<sup>n</sup>nu<sup>n</sup> ndaa sa nanáa<sup>n</sup> 'úú tuu'mi 'úú ní candéé sa<sup>n</sup>ā taachi ndaá nanáá<sup>n</sup> ndís'tiī ní n'diichí ndís'tiī.

<sup>24</sup>Maa<sup>n</sup> ní caa<sup>n</sup>'má<sup>n</sup> nī 'ii<sup>n</sup>'yā<sup>n</sup> chi nga<sup>n</sup>'a ntii<sup>n</sup>nyu<sup>n</sup> ye<sup>n</sup>é nī ndúúcū nducyaaca 'ii<sup>n</sup>'yā<sup>n</sup> chi i'téenu yā Jesucristo: N'daí ndís'tiī, caa<sup>n</sup>'má<sup>n</sup> nī. 'Ii<sup>n</sup>'yā<sup>n</sup> ye<sup>n</sup>'e país Italia: N'daí ndís'tiī, nga<sup>n</sup>'a yā.

<sup>25</sup>Ne<sup>n</sup>é chi Ndyuūs téé yā nducyaaca ndís'tiī nducué<sup>n</sup>ē vaadi n'dai ye<sup>n</sup>é yā. 'Tíicā cuuvi.